



ახალი განათლება

06-12.02.2020

№3 (877) გაზიარდა 1998 წლიდან

www.akhaliganatleba.ge

2

ანა ფირსხალიაშვილი

რეფორმის მთავარი არსი – ნინსვლა განათლების ხარისხის განვითარებისთვის

ინტერვიუ თამარ მახარაშვილთან



6

ლალი ჯალაძე



სამინისტრომ საჯარო სკოლის დირექტორობის მსურველებისთვის კონკურსი დაიწყო

10

ნელი დუღაჩიანი

ჩემ აცხათ ძამანასკერ

მეზუთა კლასში ჩატარებული გაკვეთილის გეგმა



3

ლალი ჯალაძე

გადავადებული ავტორიზაცია და ახალი სტანდარტი, რომელიც დიფერენცირებულ მიდგომებს ითვალისწინებს

„ახალი სკოლის მოდელი“ – შეფასებები

თემატიკის მოსწავლეები: სამუხაძე, ვეჩა და ვეჩი გადავადებით განვითარების ახალ ეტაპზე, ხმელსაც სახელმწიფო მიიღობდა გადამწყვეტილებას, ხომ სისტემის რეკონსტრუქციას შეუწყოს ხელი.

ნიმუხი ხანაშაძე: ჩვენს ხელმძღვანელში პიროვნება, ეროვნული სახანაველი გეგმით დასახელებული მიზნებთან მისასვლელ გზას, ანუ სკოლის ეფექტურობას, სასკოლო თემი თავად ქმნის, უფრო ზუსტად, ავითარებს.

ხმელსაც ხმელსაც: ნახონ ეფექტურობა განწყობილმა ადამიანებმა, ხმელსაც უხანაოთ ბავშვებს „მატიყელი“ გაკვეთილები, ეს უკვე ნიშნავს იმას, ხომ მოსწავლენი, სტატისტიკური გაკვეთილების ნაცვლად, დინამიკური პროცესის შემოქმედია მოსწავლე, მასწავლებელი – მხოლოდ მოდერნიზაციის.

ნიმუხი მახანაშვილი-ბუხიჩიძე: „ახალი სკოლის მოდელი“, ეთი მხივ, პედაგოგთა პროფესიულ ზედს ეწყობს ხელს, მეოხე მხივ ეი – სკოლის ეთიან გუნდად ჩამოყალიბებას.

მზინ სანაძე: პროექტის სიყვარულს იხივ მომზობს, ხომ „ახალი სკოლის მოდელი“ მოხმონს მთავარი მიზნებს, ვისთვისაც ყველაფერი ეთობება – მოხმონს.



ხარისხის განვითარება

რეფორმის მთავარი არსი – წინსვლა განათლების ხარისხის განვითარებისთვის

ანა ჟიკსხალიაშვილი

განათლების ხარისხის განვითარების ეროვნულ ცენტრს ახალი ხელმძღვანელი ჰყავს – თამარ მახარაშვილი. ახლა იგი ამ სტატუსითაა, თორემ ებრაული ენის სპეციალისტი წლებია განათლების სისტემაში მუშაობს და კარგად იცნობს მისი ყველა რგოლის სპეციფიკას, მათ შორის ხარისხის განვითარების მიმართულებით, სადაც 2014 წლიდან სხვადასხვა პოზიციას იკავებდა, ხოლო 2017 წლიდან ცენტრის დირექტორის მოადგილის თანამდებობაზე იმუშავა.

ჩვენ არაერთი პუბლიკაცია მივუძღვევით ცენტრში მიმდინარე რეფორმას, ამიტომ ძალგაბრუნდა თამარ უწყვეტად სამომავლო გეგმებზე საუბარი ვითარებით, თუმცა მან საჭიროდ ჩათვალია და ლოგოტიპიც არის, ის წარმატებაში (და გამოწვევებშიც) შემოახსენოს, რასაც ცენტრმა, მართალია, მისი მონაწილეობით, მატარებ სხვა ხელმძღვანელების პირობებში მიაღწია.

წარმატებული 2019

(ასე შეაფასა თამარ მახარაშვილმა შარშანდელი წელი) თამარმა შემიძლია ვთქვა, რომ უმაღლესი განათლების მიმართულებით, მართლაც მნიშვნელოვანი წელი იყო – განათლების ხარისხის განვითარების ცენტრი გახდა უმაღლესი განათლების ხარისხის უზრუნველყოფის ევროპული ასოციაციის სრულფასოვანი წევრი; მივიღეთ კვალიფიკაციების ახალი ეროვნული ჩარჩო, რომელიც სრულ თანხედრებაში შესაბამის ევროპულ დოკუმენტთან; გავხდით ჯანდაცვის მსოფლიო ორგანიზაციის წევრი. კიდევ ერთხელ შევახსენებ თქვენი გაზრდის მკითხველს, რა მნიშვნელობა აქვს ჩვენი მოქალაქეებისთვის ENQA-ს წევრობას – ხარისხის განვითარების ეროვნული ცენტრი, როგორც სააგენტო, შეყვანილია ევროპის ასოციაციის სააგენტოების რეესტრში (EQAR), რაც იმას ნიშნავს, რომ საქართველოს უმაღლესი საგანმანათლებლო დაწესებულებების მიერ გაცემული დიპლომების მიმართ და სისტემის მიმართ სანდოობა გაიზარდა, რაც ხელს შეუწყობს საქართველოში გაცემული კვალიფიკაციების აღიარების პროცესის გამარტივებას. დიას, ENQA-ს წევრობა ხარისხის განვითარების ცენტრმა მიიღო, მაგრამ სამართლიანობა მოითხოვს გარკვევით ითქვას, ეს მხოლოდ მისი კონტრიბუცია არ არის. რომ არა წინარე სამუშაოები, რომლებიც ერთობლივად ჩატარა მთელმა სისტემამ, ვგულისხმობ ექსპერტთა კორპუსს, ავტორიზაციის საბჭოებს, განათლების სამინისტროსა და უმაღლეს საგანმანათლებლო დაწესებულებებს, ეს შედეგი ვერ დადგებოდა. ENQA-მ სწორედ ის პროცედურები და სტანდარტები შეამოწმა და მოიწონა, რომლითაც თითოეულმა ამ რგოლმა იმუშავა. გადაწყვეტილებაზე წევრობის შესახებ ამის შემდეგ მიიღო, თუმცა დაგვიწინა მონიტორინგიც. ერთია, აკმაყოფილებდა წევრობის მოთხოვნებს გარკვეულ ეტაპზე, მაგრამ მეორეა და მთავარი, როგორ ვითარდები, ასრულებ თუ არა რეკომენდაციებს, რომელიც საერთაშორისო ასოციაციამ მოგცა თავის დროზე. ამ მიზნით, მომავალ წელს, გვესტუმრებინა ასოციაციის წარმომადგენლები, რათა ნახონ, როგორ ვითარდება ცენტრი. ბუნებრივია, ჩვენ უკვე ვეზადებთ ამისთვის.

მეტი ზიზნისი პროფესიულ განათლებაში

როცა მიღწევებზე ვსაუბრობ, პირველ რიგში, პროფესიული განათლების რეფორმა უნდა აღინიშნოს, რომელიც 2013 წლიდან დაიწყო და ძალიან ხელშეახლები შედეგებიც გვაქვს. ჯერ კიდევ არსებული გამოწვევების მიუხედავად, თამარმა შემიძლია ვთქვა, რომ წარმატებული რეფორმაა სისტემაში, რაც თავიდანვე მისი სწორი მიმართულებით სვლამ განაპირობა. ვგულისხმობ დამსაქმებელთა დარწმუნებას იმაში, რომ სწორედ მათი ბიზნესის განვითარებისთვის არის აუცილებელი ამ სისტემასთან მჭიდრო თანამშრომლობა, რომ სწორედ ისინი უნდა იყვნენ პროფესიული კადრების დამკვეთები (მათი საჭიროებებიდან გამომდინარე). ეს გზა გაიარა პროფესიულმა განათლებამ, ბიზნესი აქტიურად ჩაერთო მის საქმიანობაში, მხოლოდ პროფესიულ სტუდენტებს კი არ იღებს პრაქტიკის გასაღებულად, არამედ საგანმანათლებლო პროგრამების შექმნაშია ჩართული, თავად გეგმავს რა ვასწავლოთ სტუდენტს და საქმეების მაღალი გარანტიით. აქამდე, ძირითადად, ტრენინგ-ცენტრებს მიმართავდნენ საჭირო კვალიფიკაციის ადამიანების მოსამზადებლად, ახლა კი თავად, საკუთარი ინტერესების გათვალისწინებით, მონაწილეობენ ამ საქმეში. ამ მიმართულებით ჩვენი მუშაობა კიდევ უფრო გაფართოვდება სავაჭრო პალატასთან შემორანდუმის გაფორმების შემდეგ. თქვენ იცით, როგორი ინტენსივობით ინერგება დუალური პროგრამები და 2020 წლისთვისაც ეს ჩვენი ერთ-ერთი გამოწვევაა პროფესიულ განათლებაში. სწორედ ამ კუთხით დაგვეხმარება სავაჭრო პალატა, რომელიც სხვადასხვა ბიზნესს აერთიანებს და შეუძლია განსაზღვროს, დუალური პროგრამების როგორი საჭიროებაა ამა თუ იმ სექტორის სხვადასხვა რგოლში.

პროფესიულ განათლებაზე ამ მოკლე ექსკურსს დავასრულებ იმით, რომ მალე შევთავაზებ ჩვენს ბენეფიციარებს კვა-



ლიფიკაციათა ახალ ჩარჩო დოკუმენტს, რომელიც შედგენილია შრომის ბაზრის და ბიზნესის მოთხოვნების გათვალისწინებით და შევეცდებით კიდევ უფრო მეტი ბიზნესმენი დავარწმუნოთ იმაში, რომ პროფესიული განათლება, უპირველეს ყოვლისა, მათი ინტერესის სფეროა და მხოლოდ მათი მეტი ჩართულობითაა შესაძლებელი ბიზნესისა და დარგის განვითარება ერთდროულად.

თვითშეფასება – თანამშრომლობისა და ხარისხის უზრუნველყოფის აუცილებელი პირობა

მოგეხსენებათ, უმაღლესი სასწავლო დაწესებულებების ავტორიზაციის ვადა 6 წელია, მაგრამ ჩვენ შუალედური შემოწმებებიც გვაქვს, გეგმიური მონიტორინგების სახით, ამისათვის არსებობს ხარისხის განვითარების ცენტრი. მაგრამ ჩვენ გვინდა შევექმნათ ისეთი სისტემა, როცა სასწავლო დაწესებულებას გააზრებული აქვს რა პასუხისმგებლობა საკუთარი სტუდენტების წინაშე, კი არ მალავს რაიმე პრობლემას ან კი არ ელოდება შემოწმებულს, არამედ თავად ახდენს საკუთარი ხარვეზების იდენტიფიცირებას და ხარისხის ცენტრთან თანამშრომლობით ცდილობს მის გამოსწორებას. ამას ჩვენ თვითშეფასებას ვეძახით. მისი დაწერვა, განათლების სამივე საფეხურზე, იქნება ერთ-ერთი მნიშვნელოვანი ამოცანა 2020 წლისათვის. პროცედურა ასეთია: ავტორიზებული სასწავლო დაწესებულება, 3 წლის თავზე, წარმოადგენს თვითშეფასებას, სადაც მითითებული იქნება ყველა ტიპის სუსტი მხარე თანდართული გეგმით, როგორ აპირებს მათ გამოსწორებას. ჩვენი პასუხი კი მხოლოდ მხარდაჭერა იქნება იმის მიხედვით, რა საჭიროებები აქვს დაწესებულებას, შესაძლოა ეს იყოს ტრენინგები, ვორკშოპები. ჩვენ ვართ გახსნილი თანამშრომლობისა და მხარდაჭერისათვის. დაწესებულებას აქვს არჩევანი ან თავად, დაუფარავად და ობიექტურად აფასებს საკუთარ თავს, ან მალავს პრობლემას, რაც საბოლოო ჯამში მანაც იჩენს თავს. გვინდა დავამკვიდროთ ურთიერთობის ისეთი კულტურა, როცა ერთად ვსვამთ დიაგნოზს და ერთად ვცდილობთ გაუმჯობესებას, რადგან საქმე ახალგაზრდობის ხარისხთან განათლებაზე ეხება, რაც ერთი რომელიმე უწყების კი არა, მთელი განათლების სისტემის საზრუნავია.

ავტორიზაციის დროს შეფასების სისტემის მოქნილობა

დასაწყისში აღვნიშნე, რომ ENQA-ს წევრობა ჩვენი პროცედურების ევროსტანდარტებთან შესაბამისობამ განაპირობა. მაგრამ, ეს ხომ ყოველთვის ასე არ იყო. ადრე შეფასების გაცილებით ხისტი სისტემა გვქონდა – ექსპერტთა ჯგუფის დასკვნას განიხილავდა ავტორიზაციის საბჭო და სასწავლებელს ან ანიჭებდა, ან არ ანიჭებდა ავტორიზაციას. ბუნებრივია, ადრესატს შესაძლოა ჰქონოდა უსამართლობის განცდა, იმიტომ რომ, განსაკუთრებული გამოწვევის გარდა, აუცილებლად იქნებოდა ისეთი ხარვეზი, რომლის გამოსწორებისთვის დროის მიცემით შესაძლოა უარყოფითი შედეგი არ დამდგარიყო. ახლანდელი ოთხშედიანი შეფასების სისტემა სწორედ ამ შესაძლებლობას სთავაზობს უნივერსიტეტებს, ის გაცილებით მოქნილია და მხარდაჭერაზე ორიენტირებული. ექსპერტთა დასკვნაში გარკვევით იწერება, რომელ სტანდარტს ან ქვესტანდარტს აკმაყოფილებს, მეტწილ შემთხვევაშია, ნაწილობრივ, თუ მთლიანად შეუსაბამოა. სასწავლო დაწესებულებას 10 დღე აქვს დასკვნის გასაცნობად და აზრის გამოსახატავად. სწორედ ამის შემდეგ ეგზავნება შემოწმების სრული, დაწესებულების მიერ გაცნობილი დოკუმენტი ავტორიზაციის საბჭოს, რომელიც სასწავლო დაწესებულების წარმომადგენლის/წარმომადგენლის თანდასწრებით განიხილავს დოკუმენტს (1 დასკვნის განხილვა 3-4 საათის განმავლობაში). საბოლოო შედეგი, ოთხშედიანი განხილვის მეთოდით შეიძლება ასეთი დადგეს: დაწესებულებამ მიიღოს ავტორიზაცია ანგარიშის წარმოდგენით, ან მონიტორინგით, მიიღოს სრული უპირო-

ბო ავტორიზაცია, ან უარი ეთქვას ავტორიზაციაზე. მოქნილი შეფასების სისტემა იძლევა შესაძლებლობას ხარვეზის გამოსწორებისა და განვითარებისათვის, მაგრამ თუ შედეგი მაინც მოულოდნელი აღმოჩნდა (შეიძლება, ასეც მოხდეს), მას აქვს მექანიზმი, აპელაციის გზით, დამტკიცოს საწინააღმდეგო, ან გაასაჩივროს გადაწყვეტილება სასამართლოში.

აქვე დავამატებ, როცა საბჭო იღებს გადაწყვეტილებას ავტორიზაციის გაუქმების შესახებ, ის ითვალისწინებს სტუდენტების ინტერესს და გადაწყვეტილება ამოქმედების დროდ მიუთითებს ვადას ისე, რომ სტუდენტებმა სემესტრის დასრულება და კრედიტების დაგროვება შეძლონ. ამავე დროს, სახელმწიფო იღებს ვალდებულებას, ამ შემთხვევაში, კონკრეტულად ამ დაწესებულების სტუდენტებისთვის გამოაცხადოს რეგარემო მობილობა, რაც ძალიან მნიშვნელოვანია სტუდენტების ინტერესების დაცვის თვალსაზრისით.

მიმაჩნია, რომ აკრედიტაციისა და ავტორიზაციის შეფასების ახალი სისტემის ამუშავება იყო რეფორმის მთავარი არსი, რაც უსათუოდ შეუწყობს ხელს სასწავლო დაწესებულებებში ხარისხის განვითარებას.

ხარისხის ცენტრის სახე დაწესებულებაში

ხარისხის ცენტრის სახე არიან ექსპერტები, ისინი ჩვენი ელჩები არიან როგორც საგანმანათლებლო დაწესებულებაში, ასევე ავტორიზაციის საბჭოსთვის. ადამიანები, რომლებიც შეირჩევიან არა მარტო პროფესიული კომპეტენციების, არამედ სხვა ბევრი უნარის მიხედვით. სწორედ მათი პროფესიონალიზმი განსაზღვრავს რამდენად ხარისხიანად და ობიექტურად შეასრულებს ცენტრი საკუთარ მისიას. სწორედ იმის გათვალისწინებით, რომ ექსპერტთა კორპუსი ცენტრის მუშაობის ძირითადი რგოლია, გადაწყვიტეთ, სამივე საფეხურზე, უზრუნველყოთ ექსპერტთა ატესტაცია. წელს ეს ჩვენი ცენტრისთვის მნიშვნელოვანი ამოცანაა.

სისტემაში 1700 აკრედიტებული პროგრამა გვაქვს, რაც რამდენიმე სფეროსა და სხვადასხვა დარგს მოიცავს. თითოეული ექსპერტის შერჩევა სწორედ ამ მრავალფეროვნების გათვალისწინებით ხდება, 2021 წლიდან კლასტერულ აკრედიტაციაზე გადასვლას გეგმავთ, წელს 450-დან 500-მდე პროგრამა უნდა გაიაროს აკრედიტაცია. ამ მოცულობის სამუშაოს ხარისხიანად შესრულებას კი სათანადო კვალიფიკაციის ექსპერტები სჭირდება.

აქვე მინდა ორიოდ სიტყვით ავტორიზაციის საბჭოს მნიშვნელობასაც შევხებ და აღვნიშნო, რომ საბჭოს პრემიერ-მინისტრი ამტკიცებს, განათლების მინისტრის წარდგინებით. წლებიწინააღმდეგო სიახლე ისაა, რომ მინისტრის გადაწყვეტილებით, საბჭოს წევრთა ნომინირება და დაკომპლექტება კომისიური წესით მოხდა, აპლიკანტებთან გასაუბრება ფსიქოლოგის ჩართულობით მიმდინარეობდა. ამ მექანიზმით სუბიექტივიზმი მთლიანად გამოირიცხა. ასე დაკომპლექტდა ავტორიზაციის საბჭოები სამივე საფეხურისთვის.

საჯარო სკოლები და ხარისხის განვითარების ცენტრი

აქაც აუცილებელი კომპონენტი იქნება თვითშეფასების სისტემის ამუშავება. შეფერადების გარეშე შეგვიძლია ვთქვათ, ახლა ვინცებთ საჯარო სკოლებიდან რეალური ინფორმაციის ამოღებას თუ რა ტიპის პრობლემები გვაქვს. შესაბამისი კონცეფცია მუშავდება და სამინისტროსთან ერთად ხარისხის ცენტრიც აქტიურადაა ჩართული. თანმიმდევრულად და სწორი მეთოდოლოგიით ვაპირებთ მუშაობას, ჩვენი მიდგომა მუდმივად ვიზრუნოთ საჯარო სკოლების განვითარებაზე, რომელიც ხარისხის ამაღლების აუცილებელი კომპონენტი. დიდი მოცულობის სამუშაო გვექნება შესასრულებელი ამ მიმართულებით სამინისტროსთან ერთად.

2020 წლის ძირითადი მისიჯები

- ✓ პირველ რიგში, ეს იქნება სანდოობასა და მხარდაჭერაზე ორიენტირებული თანამშრომლობა საგანმანათლებლო დაწესებულებებთან;
 - ✓ 2021 წლიდან კლასტერულ აკრედიტაციაზე გადასვლა იგეგმება და შესაბამისად 2020 წელს მოგვინევს ამ მიმართულებით აქტიური მუშაობა. კლასტერული აკრედიტაცია ნიშნავს კონკრეტულ წელს კონკრეტული მიმართულების აკრედიტაციას, რაც მნიშვნელოვანია დაწესებულებებისთვის, რათა მათ საკუთარი რესურსის გაძლიერება შეძლონ კონკრეტული მიმართულებით, ხარისხის ცენტრმაც კონკრეტული მიმართულების ექსპერტების პროფესიული განვითარება განახორციელოს და ასევე აკრედიტაციის საბჭოს დაკომპლექტების დროსაც მოხდეს კლასტერის გათვალისწინება;
 - ✓ ეტაპობრივად მოხდება კვალიფიკაციების ჩარჩოსთან საგანმანათლებლო პროგრამების შესაბამისობაში მოყვანა. მაგალითად, მიმდინარე წელს საბუღალტრო მეტყველო და მედიცინის დარგი მოვა შესაბამისობაში კვალიფიკაციების ჩარჩოსთან და მთელი რესურსი ამ მიმართულებით ამოქმედდება;
 - ✓ სადოქტორო და კვლევითი კომპონენტი დიდი გამოწვევაა უმაღლესი სასწავლო დაწესებულებისთვის. ამ მიმართულებით განსაკუთრებით გაძლიერდება ცენტრის ძალისხმევა;
 - ✓ განათლების სამივე საფეხურზე თვითშეფასების სისტემის დანერგვა.
- ეს ის ძირითადი გამოწვევებია, რომელთა დაძლევაზე უნდა უზრუნველყოს წინსვლა განათლების ხარისხის განვითარების მიმართულებით.

ზოგადი განათლება

გადავადებული ავტორიზაცია და ახალი სტანდარტი, როგორც დიფერენსირებულ მიდგომებს ითვალისწინებს

ლალი ჯალაძე

„ზოგადი განათლების კანონში ცვლილების შეტანის შესახებ“ საქართველოს მთავრობის მიერ ინიცირებული საქართველოს კანონპროექტის თანახმად, სკოლების ავტორიზაციის პროცესი ახალი სტანდარტის მიხედვით, 2020-2021 სასწავლო წლის ნაცვლად, 2026-2027 წლამდე დასრულდება. რა გახდა ავტორიზაციის მესამედ გადავადების მიზეზი და რა სიახლეები იგეგმება ამ მიმართულებით – ამ თემაზე განათლების, მეცნიერების, კულტურისა და სპორტის მინისტრის მოადგილემ, ეკა დგებუაძემ საჯარო სკოლის დირექტორებთან შეხვედრა გამართა.

სამინისტროში განმარტავენ, რომ აღნიშნული დადგენილებები განპირობებულია ზოგადი განათლების სისტემის მიმდინარე რეფორმით, რაც სკოლებში მოსწავლეზე ორიენტირებული, უსაფრთხო, ინფრასტრუქტურულად გამართული გარემოს შექმნას გულისხმობს. ამ მიზნის განხორციელებას ემსახურება პროექტი „ახალი სკოლის მოდელი“, რომელიც მოიაზრებს როგორც სკოლების ინფრასტრუქტურის მონერგვას, ასევე, სწავლა-სწავლების პროცესში ახალი, თანამედროვე მეთოდების დანერგვას. ამ ეტაპზე „ახალი სკოლის მოდელი“ 165 საჯარო სკოლაში ხორციელდება. 2020-2021 წლიდან პროექტი, საქართველოს მასშტაბით, ყველა სკოლას შეეხება და ზოგადი განათლების რეფორმის სამოქმედო გეგმის მიხედვით, 2025-2026 სასწავლო წლისთვის, ყველა სკოლის ინფრასტრუქტურული საჭიროებები დაკმაყოფილდება, ასევე სასწავლო პროცესში დაიგეგმება სწავლა-სწავლების ახალი მიდგომებიც. როგორც მინისტრის მოადგილემ აღნიშნა, ამ მოცემულობის გათვალისწინებით მიზანშეწონილია სკოლების ავტორიზაციის ვადების გადაწვევა. „იმის გამო, რომ მოსწავლეებისთვის გვინდა უფრო მეტად ხარისხიანი ხელმისაწვდომი საგანმანათლებლო გარემოს შექმნა, ჩვენი მიზანია, ისეთი სტანდარტი შევიშუშოთ, რომელიც საერთაშორისო მოთხოვნებს დააკმაყოფილებს. ამისთვის კი გვჭირდება გარკვეული პერიოდი სკოლებთან მუშაობისთვის, მათი განვითარებისთვის, როგორც ინფრასტრუქტურის მიმართულებით, ისე ადამიანური და მატერიალური რესურსის კუთხით. ინიცირების საბოლოო მიზანი კი მაღალი სტანდარტის საჯარო სკოლებია. თავის მხრივ, სამინისტრო სკოლებს ავტორიზაციისთვის ყველა რესურსით გააძლიერებს“ – განაცხადა ეკა დგებუაძემ.

რა აქცენტები კეთდება ახალ სტანდარტზე მუშაობისას და რა იქნება ის ძირითადი მოთხოვნები, რასაც სტანდარტი სკოლების წინაშე დააყენებს – ამის შესახებ პროფესიული განათლების ხარისხის უზრუნველყოფის სამსახურის უფროსი კახა ერადე ვრცელ კომენტარს აკეთებს და ამბობს, რომ სტანდარტი, საბოლოო ფაზაში, კარგ შედეგებს მოიტანს: „ახალ სტანდარტზე მუშაობა გასული წლიდან ძალიან ინტენსიურად მიმდინარეობს, ევროკავშირის სპეციალური პროექტის ფარგლებში, სადაც გერმანელი და ესტონელი ექსპერტებიც არიან ჩართულები. ისინი პერიოდულად ჩამოდიან და მონაწილეობენ სტანდარტის ფორმირებისა და დახვეწის პროცესში. მათი შეფასებები, ზოგადად, ძალიან პოზიტიურია, თუმცა, ჯერჯერობით, სტანდარტი არ არის ისეთ კონდიციამ, რომ გავაზიაროთ ან ფართო დისკუსიის საგანდ ვაქციოთ. როგორც კი იქნება, აუცილებლად ყველა დაინტერესებულ მხარეს ჩაერთავთ. ჩვენი მიდგომაა, რომ სტანდარტების დამტკიცებამდე, ქვეყანაში არ უნდა დარჩეს ადამიანი, ვისაც სურდა აზრის გამოთქმა და ვერ გამოთქვა, ეს იქნება ძალიან ღია და გამჭვირვალე პროცესი. კონკრეტულ დეტალებზე ჯერ ვერ ვისაუბრებ, თუმცა, წინასწარ ვიცით, რომ სტანდარტები საუკეთესო ევროპულ გამოცდილებას (გერმანული და ესტონური) დაეფუძნება და მეტ აქცენტს გააკეთებს არა ფიზიკურ გარემოზე (ფიზიკურ გარემოზე ახლანდელი სტანდარტის აკეთებას აქცენტებს), არამედ თვითონ სასწავლო გარემოზე, კურიკულუმის შინაარსზე, მოსწავლის სერვისებზე, მასწავლებლის კვალიფიკაციის ამაღლებაზე – უფრო შინაარსობრივ საკითხებზე, ვიდრე შენობის ან მერხის არსებობა-არარსებობის საკითხებზე. საკმაოდ კონცეპტუალურ ხედვებზე ვმუშობთ, რომლებიც მნიშვნელოვნად შეცვლის არსებული სტანდარტის სტრუქტურას, რადგან გვინდა, სტანდარტები, ბევრად ორიენტირებული გახდეს საბაზო, საშუალო და ზოგადი განათლების პროგრამებზე, მის შინაარსზე. ბუნებრივია, რადგან ეროვნული სასწავლო გეგმები ბევრად უფრო ლიბერალური ხდება, მეტი თავისუფლების ხარისხს აძლევს სკოლას – სკოლამ



უნდა გადაწყვიტოს, რა გზას აირჩევს. ამიტომაც ის ექსპერტული გარე შეფასების მნიშვნელოვანი ობიექტი გახდება.“

ითვალისწინებს თუ არა ახალი სტანდარტი დიფერენსირებულ მიდგომებს? პროფესიული განათლების ხარისხის უზრუნველყოფის სამსახურის უფროსი ამ პროცესს გარდაუვლად მიიჩნევს და ამბობს, რომ: „ამას ვერ ავცდებით, იმიტომ რომ სწორედ დღევანდელი არადიფერენსირებული მიდგომის ერთ-ერთი შედეგია, რომ საჯარო სკოლების ავტორიზაცია უკვე მესამედ გადაიდო. ავტორიზაციის პროცესში დიფერენსირებული მიდგომა მოგვიწევს სხვადასხვა კრიტერიუმების გათვალისწინებით, გენბავთ როტაციის, გენბავთ მოსწავლეთა რაოდენობის, თუნდაც, პროგრამების ან სწავლების ენის მიხედვით, რამაც იდეაში ძალიან დადებითი პროცესი უნდა გამოიწვიოს. შედეგად უნდა გაჩნდეს სკოლის განსხვავებული კლასტრები. მაგალითად, გაჩნდეს მხოლოდ საბაზო, დაწყებითი სკოლები ან სკოლები, რომლებიც საივე საფეხურს დაფარავენ.“

რაც შეეხება ვადებს, კახა ერადის ვარაუდით, მიმდინარე წელს დასრულდება სტანდარტებსა და მიდგომებზე მუშაობა. ავტორიზაციის ახალი წესი კერძო საგანმანათლებლო დაწესებულებებთან მიმართებაშიც ამოქმედდება. „საჯარო სკოლებს კანონი ჩათვლის ავტორიზებულად, მაგრამ ჩვენ, ხარისხის ცენტრი, დავინყებთ საჯარო სკოლებთან განმავითარებელ ღონისძიებებს. 2026 წელს არ ველოდებით, მანამდე უამრავი სამუშაო გვაქვს, იმიტომ, რომ ავტორიზაცია არ გულისხმობს მხოლოდ უფლების მოპოვებას, არამედ კულისხმობს ხარისხის განვითარებას. მართალია, უფლებას კანონი განსაზღვრავს, მაგრამ ამ უფლების მოპოვებამდე საჯარო სკოლები ვერ ასცდებიან იმ განმავითარებელ ღონისძიებებს, რასაც ხარისხის ცენტრი, ზოგადად, სისტემას სთავაზობს.“

კახა ერადე ამბობს, რომ წლის ბოლოსთვის ახალი სტანდარტი დასამტკიცებლად შეთანხმებული უნდა იყოს ყველა დაინტერესებულ მხარესთან. რაც შეეხება კერძო სკოლებს, მისივე განმარტებით, „წესი შეეხება კერძო სკოლებსაც, რადგანაც კერძო და საჯარო სკოლის აქტუატი უფლებრივად განსხვავებული არ არის, ბუნებრივია, მოთხოვნებიც ერთნაირი უნდა იყოს“. სპეცსკოლების ავტორიზაცია კი, შესაძლოა, დიფერენსირებული მიდგომის თემა გახდეს.

დღევანდელი მოცემულობიდან გამომდინარე, რამდენად დაძლევა იქნება სკოლებისთვის ახალი სტანდარტი ავტორიზაციის გავლა, 63-ე საჯარო სკოლის დირექტორი ნანა მონია ავა ამბობს, რომ: „პირადად, ჩემს სკოლაში ინფრასტრუქტურა რომ მზად მქონდეს, თავისუფლად დავძლევე, მაგრამ ინფრასტრუქტურა ნამდვილად არ აკმაყოფილებს, თუნდაც, შეზღუდული შესაძლებლობის მქონე მოსწავლეების მოთხოვნებს. რასაკვირველია, ამ მიმართულებითაც, სკოლას გარკვეული პასუხისმგებლობა ეკისრება – ჯერ ერთი, სკოლამ უნდა თქვას, რა პრობლემა აქვს (ვინმემ რომ გიმკურნალოს, ჯერ უნდა თქვას რა გტკივს), შემდეგ სახელმწიფო იღებს ვალდებულებას, ამ შემთხვევაში, ინფრასტრუქტურის სააგენტო, რომ სკოლებში ინფრასტრუქტურული პრობლემები მოაგვაროს. თუმცა, ყველაგან ერთდროულად ვერც ასეთი პრობლემები გადაწყდება იმიტომ,

რომ სააგენტოს განსაზღვრული აქვს პრიორიტეტები. მაგალითად, თუ რომელიმე სკოლას ჭერი ჩამოეგრევა ან სახურავი აქვს შესაკეთებელი, ბუნებრივია, პირველ რიგში, ასეთ სკოლას მიხედვით და არა იმ სკოლას, რომელსაც დაზიანებული კედლის შეკეთება სჭირდება. მაგრამ რეალურად, ამ მიმართულებით, ყველა სკოლა თანაბრად უნდა უზრუნველყოფილი და აღჭურვილი შესაბამისი ინფრასტრუქტურით.

ზოგადად, სტანდარტის მიზანი არის ის, რომ სკოლა ბავშვისთვის უსაფრთხო იყოს და მის განვითარებაზე ორიენტირებული. სამწუხაროდ, დღეს ეს ყველა სკოლაში ერთნაირად არ და ვერ არის უზრუნველყოფილი. გვაქვს სკოლები, სადაც ინფრასტრუქტურა არ არის მზად, მაგალითად, ბევრი სკოლის შენობა ძველია და იქ, ელემენტარულად, პანდუსებიც კი არ არსებობს, თუნდაც, იმ მიზეზის გამო, რომ თვითონ შენობა ისეთი, სადაც პანდუსი ვერ კეთდება. ამიტომ, თუკი სკოლებს ასეთი პრობლემების მოსაგვარებლად ვაძლევთ მიეცემათ, ეს ძალიან მნიშვნელოვანია.


სტანდარტი ძირითადი მიმართულებები სწორედ სკოლის ინფრასტრუქტურა, ადამიანური რესურსი და მართვა – როგორ მართავს ფინანსებს ან როგორ აქვს დაგეგმილი ეროვნული სასწავლო გეგმა და ა.შ. აქ ყველაზე კარგი ის არის, რომ ორიენტირები, ძირითადად, ხარისხზე გადადის. ამიტომ არის თვითშეფასების ნაწილი ერთ-ერთი უმნიშვნელოვანესი. მთავარია, ამ შეფასებისას მენეჯერი იყოს გულწრფელი და შეეძლოს იმ პრობლემების აღიარება, რაც მის სკოლაში რეალურად არსებობს.

როგორც ცნობილია, ავტორიზაციის პროცესი 2020-2021 წლიდან დაიწყება, თუმცა, წარმოუდგენელია, ამ პერიოდში, ყველა სკოლამ ერთდროულად გაიაროს.

ძველი სტანდარტი, თავისთავად, ხელმისაწვდომია და ჩვენ ვალდებული ვართ გვაქვს, დღესაც ამ სტანდარტით ვიხელმძღვანელოთ. აქედან გამომდინარე, სტანდარტზე საუბარი სკოლებისთვის სიახლე არ იქნება, უბრალოდ, ახალი სტანდარტები იქნება განახლებული მოთხოვნებით და აქცენტებით. ეს ბუნებრივია, რადგან ძალიან სწრაფად იცვლება ყველაფერი, შესაბამისად, ბევრი ახალი მოთხოვნა და გამოწვევაა ჩვენ წინაშე, თუკი სტანდარტი არ განახლდება, ამ ახალ მოთხოვნებს სკოლა ვერ დააკმაყოფილებს. ამის გარეშე წარმოუდგენელია, თუნდაც, იმ მოთხოვნების შესრულება, რასაც ახალი ეროვნული სასწავლო გეგმა გვიყენებს.

ვის შეეხება ახალი სტანდარტი ავტორიზაციის პროცესი და ძალიან რჩება თუ არა ძველი სტანდარტით მინიჭებული ავტორიზაცია? კახა ერადე აცხადებს, რომ ახალი სტანდარტით ავტორიზაცია დაიწყება მათთვის, ვისაც ამ პერიოდში რეაგტორიზაცია მოუწევს, ხოლო მათ, ვისაც ავტორიზაცია მიღებული აქვს (მოგესვენებათ, ავტორიზაცია 6-წლიანია), ვადის გასვლამდე ხელახალი ავტორიზაცია არ მოუწევთ. იმ სკოლებს კი, რომლებსაც წელს არ ეწერებათ ავტორიზაციის ვადა, მიეცემათ გარდამავალი პერიოდი იმისთვის, რომ შესაბამისობაში მოვიდნენ ახალ სტანდარტებთან. სკოლების ნაწილს კი, ვისაც ახალი სტანდარტის ძალაში შესვლამდე მოუწყდებათ ავტორიზაცია, ისევე ძველი, მოქმედი სტანდარტით მოუწევთ ავტორიზაციის გავლა.

ინფორმაცია



ექსტერნატის გამოცდაზე რეგისტრაციის დაწყება

საქართველოს განათლების, მეცნიერების, კულტურისა და სპორტის სამინისტრო, 2020 წლის 3 თებერვლიდან 10 თებერვლის ჩათვლით, აცხადებს რეგისტრაციას I-XII კლასების ზოგადსაგანმანათლებლო სასწავლო პროგრამის ექსტერნატის ფორმით დაძლევის მსურველთათვის. გამოცდაზე გასვლის უფლება აქვთ იმ პირებს, რომლებიც გარკვეული მიზეზების გამო ჩამოშორებული არიან სასწავლო პროცესს და არ აქვთ სრული ზოგადი განათლების დამადასტურებელი დოკუმენტი, ასევე იმ პირებს, რომლებიც სწავლობენ სკოლაში, თუმცა მათი ასაკი აღემატება კანონმდებლობით განსაზღვრულ მინიმალურ ასაკს და გამოთქვამენ სურ-

ვილს პროგრამის ექსტერნატის ფორმით დაძლევისთან დაკავშირებით. ექსტერნატის ფორმით პროგრამის დაძლევის მსურველთათვის გამოცდები 18 თებერვლიდან 2 მარტის ჩათვლით ჩატარდება. დამატებით, მეთორმეტე კლასის ექსტერნატის წესით დაძლევის მსურველებს შესაძლებლობა ექნებათ, გამოცდები ჩააბარონ მიმდინარე წლის ივნისშიც. დამატებითი კლასის მოსწავლეებისთვის, ექსტერნატ რეგისტრაციის დამატებით ვადად, განისაზღვრა 1-დან 5 ივნისის ჩათვლით, ხოლო გამოცდები მათთვის 15 ივნისიდან 24 ივნისის ჩათვლით ჩატარდება.

რეპორაჟი

ახალი სკოლის მოდელი – შეფასებები



თამარ მოსიაშვილი „სამოქალაქო განვითარების ინსტიტუტის“ განათლების სპეციალისტი

საქართველოში საზოგადოება ძალიან ნუხს, როდესაც ჩვენ გვაქვს არცთუ ისე კარგი მიღწევები ეროვნულ და საერთაშორისო შეფასებებში. თუ ამ შედეგებს კარგად გავაანალიზებთ, მივხვდებით, რომ ამ დაბალი შედეგების ერთ-ერთი განმსაზღვრელი ფაქტორი გახლავთ ის, რომ ქალაქებსა და სოფლებში, მოსწავლეთა მიღწევებს შორის, განსხვავება დიდია. სამწუხაროდ, უფრო და უფრო იზრდება მოსწავლეების აკადემიურ მიღწევებს შორის განსხვავებები და ამ მიღწევებზე გავლენას ახდენს მოსწავლის სოციალურ-ეკონომიკური სტატუსი – როგორც შემოსავალი აქვს მის ოჯახს, სად ცხოვრობს, როგორი განათლება აქვთ მშობლებს, როგორ სკოლაში სწავლობს ეს ბავშვი, რამდენად კვალიფიციური მასწავლებლები ასწავლიან და ა.შ.

შესაბამისად, ჩვენ გვაქვს, ასე ვთქვათ, ღარიბი თემის სკოლები და ამდენად, ძალიან მნიშვნელოვანია, რომ იყოს ისეთი პროგრამა, რომელიც გაითვალისწინებს დამატებით სერვისებს ასეთი სკოლებისთვის. სამწუხაროდ, მე ვერ მოვისმინე, რომ „ახალი სკოლის მოდელი“ გაითვალისწინებულა ამ ტიპის სკოლების საჭიროებები.

და კიდევ ერთი, ზოგადად, ცხადია, მეთოდოლოგიაზე, რომელიც ახალი სკოლის ავტორებმა შეიმუშავეს, არ ვიცი, მეთოდების განხილვა პროფესიონალების და აკადემიურ წრეებში შეიძლება მოხდეს, ასევე, ეფექტურობის შეფასება, კვლევები და სხვ. უბრალოდ, ეს ისევე ცენტრალიზებული პროგრამაა და სამწუხაროდ, ვერა და ვერ გადავადით განვითარების ახალ ეტაპზე, როდესაც სახელმწიფო მიიღებდა გადაწყვეტილებას, რომ სისტემის დეცენტრალიზაცია შეუწყოს ხელი.



ნინო კაპანაძე „ახალი სკოლის მოდელის“ კურიკულუმის განვითარებისა და დანერგვის ექსპერტი/ქორეფი სისპ მცხეთის მუნიციპალიტეტის სოფელ წეროენის №3 საჯარო სკოლაში

ჩვენი სკოლა პროექტში პირველ ეტაპზე, 65 სკოლას შორის, ჩაერთო. პირველ-მეოთხე კლასებში 20 პარალელური კლასია, რომელშიც 40-ზე მეტი მასწავლებელი ასწავლის.

რით არის საინტერესო პროექტი? ჩვენს რეალობაში პირველად, ეროვნული სასწავლო გეგმით დასაბუთებულ გრძელვადიან მიზნებთან მისასვლელ გზას, ანუ სკოლის კურიკულუმს, სასკოლო თემი თავად ქმნის, უფრო ზუსტად, ავითარებს. ავითარებს, რადგანაც გასული სასწავლო წლის ბოლოს შექმნილი თემატური მატრიცების გაუმჯობესების ინიციატივები, დანერგვის ეტაპზე, თავად ავტორები და მათი კოლეგები გახდნენ. ეს უწყვეტი პროცესი იქნება. თვალნათლივ ვხედავთ, როგორ ვითარდება თანამშრომლობა პარალელური კლასების და საერთოდ, მასწავლებლებს შორის. პარალელური (ჩვენ შემთხვევაში, 5-6 პარალელური) კლასის მასწავლებლები ქმნიან საერთო თემატურ მატრიცას, რომლის მნიშვნელოვან კომპონენტს წარმოადგენს კომპლექსური დავალება. ის, თავისი არსით, არის განმავითარებელი შეფასების ინსტრუმენტი, რომელმაც მასწავლებელს და მოსწავლესაც, სამიზნე ცნებასთან და მის მკვიდრ წარმოდგენებთან მიმართებით, შეფასებისა და თვითშეფასების საშუალება უნდა მისცეს. პარალელური კლასების მასწავლებლები გეგმავენ სწავლა-სწავლების პროცესს, რომელიც, კომპლექსურიდან კომპლექსურამდე, ერთდროულად წარმართება და საბოლოოდ, ერთად ხდება ჩატარებული აქტივობების შეჯერება. შემდეგ ისევეა მიმდევრო ეტაპის დაგეგმვა და განხორციელება და ასე შემდეგ. კოლეგები უზიარებენ ერთმანეთს სასწავლო რესურსებს, სტრატეგიებს, მეთოდებს. საბოლოოდ, შეთანხმებული თემატური მატრიცა სკოლის კურიკულუმში იტვირთება, რომელიც ონლაინსერვისში განთავსებულ საქალაქო ინახება და პროექტში ჩართული ყველა მასწავლებლისთვის, ექსპერტისთვის, პროექტის მმართველი გუნდისთვის ხელმისაწვდომია. ეს გაზიარებულობა ქმნის საშუალებას, საგნობრივმა ექსპერტებმა უწყვეტ რეჟიმში გააანალიზონ ძლიერი და სუსტი მხარეები, გააკეთონ უკუკავშირი, შექმნან და შემოგვაშელონ დამხმარე ინსტრუმენტები, რომელიც პედაგოგებს მუშაობას გაუიოლებს.

ფაქტობრივად, 65 + 100 სკოლა წარმოადგენს საქართველოს სხვადასხვა კუთხეში გაშლილ პედაგოგიურ „ლაბორატორიას“, რომელიც სცდის ახალ მიდგომებს, ინსტრუმენტებს და ღია და გახსნილ რეაგირებას ახდენს პროექტის გამოწვევებზე. სამინისტროს ექსპერტები მუდმივად მუშაობენ გზამკვლევის, ინსტრუმენტების გაუმჯობესებაზე, რომ „ახალი სკოლის მოდელი“ გამოის ეტაპზე, რაც მომავალი სასწავლო წლისთვის იგეგმება, სკოლებმა უფრო მოქნილი რეკომენდაციები მიიღონ. სწავლა-სწავლების პროცესის ცენტრში, რა თქმა უნდა, მოსწავლე და მოდელი არის საშუალებას აძლევს, მიიღოს პირობისეული ცოდნა, ჩაერთოს მისთვის დაძლევა და საზოგადოებრივ პროცესებში და გაიზაროს რა ნაბიჯებს დგამს კონკრეტული ამოცანის დაძლევისთვის.

ადვილი არ არის ამ სახის კლასში გადატანა, ყველა ხალი-

სით არ ერთვება საქმეში, მაგრამ ერთი ფაქტია, ყველაზე სკეპტიკოსებიც კი აღიარებენ, რომ ასეთი თანამშრომლობა მასწავლებლებს შორის არასდროს ყოფილა. მოსწავლეების ჩართულობა მატულობს, ისინი ძალიან მნიშვნელოვან უნარებს ივითარებენ, ხალისით წარმოადგენენ კომპლექსურის შედეგად შექმნილ პროდუქტებს, რომელსაც ხშირად ელექტრონულად ქმნიან. გასულ სემესტრში 100-მდე გაკვეთილს დავესწარი და თითოეული მათგანი იქცა კონკრეტული წინსვლის პირობად, რადგან უკუკავშირი ყოველთვის მყისიერი და კონკრეტულია, გაუმჯობესების გზასაც, უმეტესწილად, თავად მასწავლებელი ისახავს საკუთარ გაკვეთილზე მსჯელობისას. მასწავლებლები, რომლებიც ზედა საფეხურებზეც ასწავლიან, საკუთარი სურვილით, უფროს კლასებშიც იყენებენ ამ მიდგომებს და ძალიან საინტერესო შედეგებზე გვესაუბრებიან.

შორს ვართ იმ აზრისგან, რომ პროექტით დასახული მიზნების მიღწევა ამ დროში ამომწურავად შეეძლებოდა, რადგან არსებობს ობიექტური ბარიერები, იმავე დროის დეფიციტის, პარალელური პროცესების, ორცვლიანი სწავლების და სხვა მომენტების სახით, ხანდახან სუბიექტურ ბარიერებსაც ვაწყდებით, მაგრამ ეს ნებისმიერი რეფორმის თანმდევი პროცესია და დიდი იმედი გვაქვს, რომ პროექტის გაფართოების კვალდაკვალ ასეთი წინააღმდეგობები მინიმუმამდე შემცირდება.



როლანდ სოჯანაშვილი სასკოლო სასწავლო გეგმების დანერგვის ექსპერტი

ჩემი პედაგოგიური პრაქტიკა 26 წელზე მეტს მოითვლის. პირველად, როცა სკოლაში მასწავლებლის პოზიციაზე მივედი, მხოლოდ 18 წლის ვიყავი. მაშინ ჯერ კიდევ იყო დაუსრულებელი სწავლის ფორმა და მეორე კურსის სტუდენტმა გავხდეთ სწავლება. 1993 წელს ბევრს უკვირდა, რატომ ავირჩიე მასწავლებლობა. ათასჯერ რომ მომეცეს პროფესიის არჩევანის შესაძლებლობა, ისევე მასწავლებლობას ავირჩევდი...

გასულ წელს მონაწილეობა მივიღე შესარჩევ კონკურსში სასწავლო გეგმის დანერგვის ექსპერტის პოზიციაზე. გასაუბრების ეტაპი წარმატებით გავიარე, შემდეგ – ინტენსიური გადამზადების კურსი და საჩხერის №1 საჯარო სკოლაში გამამსესეს კურიკულუმის ექსპერტის მოსალოდნელი 27 მსმენელის ნაცვლად, გაცილებით მეტი პედაგოგი დახვდა პირველივე შეხვედრაზე – ჩანდა, რომ სკოლაში ბევრს აინტერესებდა, რა იყო რეფორმის ეს ახალი ტალღა. თავიდან გამომჟღავნებული და გამოუმჟღავნებელი სკეპტიციზმიც იყო, რომელიც ნელ-ნელა და „ხავერდოვნად“ დავამარცხეთ! რომ გითხრათ, დიდი ძალისხმევა დამჭირდა ამისთვის, ტყუილი იქნება, რადგან სკოლაში მისვლამდე ისეთ ხალხთან მქონდა პროფესიული წაფვის კურსი გავლილი, რომელთა კვალიფიკაცია საერთაშორისო დონისაა! მაღლობა მინდა ვუთხრა მათ გამოცხადებული ნდობისათვის.

საჩხერის №1 საჯარო სკოლაში ძალიან მაღალი კვალიფიკაციის პედაგოგები და არაჩვეულებრივი ადმინისტრაციული რესურსი დამხვდა. სკოლის დირექტორი ირმა კაპანაძე 21-ე საუკუნის მოთხოვნების შესაფერისი საგანმანათლებლო ლიდერია, რომელიც მუნიციპალიტეტის ყველაზე დიდ სკოლას მართავს დემოკრატიული პრინციპებით და მისგან მუდამ ვგრძნობდი მხარდაჭერას! მინდა გავიხსენო გამოჩენილად სკეპტიკოსი პედაგოგი, რომელიც გასული წლის დეკემბრის ბოლოს სახალხო გამოკვიტყდა, ეს რა კარგი რამე ყოფილა! ვერავინ დამაღავს იმ მიღწევებს, რომელიც ამ ფუნდამენტურ რეფორმას მოჰყვა სკოლებში. ნახონ კრიტიკულად განწყობილმა ადამიანებმა, როგორ უხარიათ ბავშვებს „მატრიცული“ გაკვეთილები, ეს უკვე ნიშნავს იმას, რომ მოსაწყენი, სტატიკური გაკვეთილების ნაცვლად, დინამიკური პროცესის შემოქმედია მოსწავლე, მასწავლებელი – მხოლოდ მოდერატორი. ამ „მოდელის“ მიხედვით, ბავშვი არის აღიარებული და არაფერი ისე არ უნდა პატარას, როგორც აღიარება, დაფასება და მხარდაჭერა. ვის რად უნდა მხოლოდ განმსაზღვრელი შეფასება?! ახლა განმავითარებელი შეფასების და კონსტრუქტივისტული მიდგომების დროა!

ჩვენ უნდა მოვახერხოთ და გავზარდოთ კონკურენტუნარიანი ახალგაზრდები, რომლებსაც მხოლოდ დეკლარატიულ ცოდნას კი არ მივცემთ, არამედ მოვამზადებთ სწავლის სწავლისათვის, მუდამ მზად უნდა იყვნენ სიახლეების ფეხის ასაწყობად! ბავშვი, რომელიც „იგემებს“ კომპლექსურ დავალებას, მასწავლებელს აღარ მისცემს უფლებას, რომ სხვაგვარად წარმართოს საქმიანობა სკოლაში.

ამ „მოდელის“ მიხედვით მასწავლებელი ხდება კონტაქტური კოლეგებთან, მოსწავლეებთან, ადმინისტრაციასთან და ზოგადად, იმ თემთან, რომელსაც პირდაპირ ეხება ინიციატივა აქვს საგანმანათლებლო სისტემასთან. მასწავლებლებს ერთი მიზანი აერთიანებთ – მოსწავლის პროგრესი.

არ მინდა საკითხის რომანტიზება, მაგრამ სინამდვილე ისაა, რომ კურიკულუმის დანერგვა-დანერგვის ექსპერტის პოზიციაზე არა მარტო ჩემი თავი წარმოვიჩინე კარგად, არამედ შევიძინე ახალი მეგობრები საჩხერელი მასწავლებლების სახით, რომლებიც ყოველი შეხვედრის დასრულებიდან რამდენიმე საათში მომენატრებიან ხოლმე...



ნინო სოჯანაშვილი-კოხრავაძე კურიკულუმის განვითარების ექსპერტი, ტრენერ-კონსულტანტი

საშურის №3 საჯარო სკოლა აქტიურად ჩაერთო „ახალი სკოლის მოდელის“ საპილოტე რეჟიმში. პროექტის ძირითადი მიზანია საქართველოს სკოლებში მიმდინარე სწავლა-სწავლების ხარისხის ამაღლება და სასკოლო კლიმატის გაჯანსაღება, რაც გულისხმობს სასკოლო ცხოვრების რეალურ ცხოვრებასთან დაახლოებას და ამ გზით სასწავლო პროცესის გამოცოცხლებას, საკლასო ოთახის გადაქცევას მოსწავლეთა შემოქმედებით და შემეცნებითი ძალების განვითარების ადგილად, შემოქმედებითი ინიციატივების ხელშეწყობას, თანამშრომლობითი გუნდური მუშაობის კულტურის დანერგვას.

მოსწავლეზე ორიენტირებული „ახალი სკოლის მოდელის“ დანერგვაში, როგორც ყველა სკოლის, საშურის №3 სკოლაშიც მონაწილეობს სკოლის ადმინისტრაცია, კურიკულუმის, ტექნოლოგიების და ლიდერობის ექსპერტები, პედაგოგები. სკოლაში მოსწავლემ არა მარტო ცოდნა უნდა მიიღოს, არამედ სასწავლო მასალა იმდენად სიღრმისეულად და არსებობივად უნდა გაითავისოს, რომ მისი კრიტიკულად გაანალიზება, შემოქმედებითად გააზრება და სხვადასხვა ცხოვრებისეულ სიტუაციებთან დაკავშირება შეძლოს. სკოლის გარემო კი, პიროვნებაზე უნდა იყოს ორიენტირებული, მზრუნველი, ჰარმონიული, თანამშრომლობითი და უსაფრთხო, რაც ყველა მოზარდს საკუთარი პოტენციალის რეალიზების საშუალებას მისცემს.

მასწავლებელმა უნდა იცოდეს თითოეული მოსწავლის ძლიერი და სუსტი მხარეები, მათი ინტერესები, საჭიროებები და ისე დაეგმოს თითოეული თემა, რომელსაც გაკვეთილზე შეიტანს, რომ ეს მასალა ყველა მოსწავლისთვის თანაბრად გასაგები და ხელმისაწვდომი იყოს.

„ახალი სკოლის მოდელის“ ფარგლებში, პირველად გაჩნდა საშუალება, პედაგოგებს მათთვის საინტერესო ყველა საკითხზე უშუალოდ სკოლაში ვესაუბროთ და თანამშრომლობის პირობებში, სასკოლო სივრცეშივე, ვქეზოთ ეროვნული სასწავლო გეგმის დანერგვასთან დაკავშირებული პრობლემების გადაჭრის გზები. კურიკულუმის ექსპერტები მასწავლებლებს ვაძლევთ დროულ კონსტრუქციულ უკუკავშირს, რომელიც დამყარებულია კონკრეტულ საჭიროებებსა და პოზიტივზე. ასევე მნიშვნელოვანი ორიენტირია თანამშრომლობითი კულტურის განვითარება.

ჩვენი სკოლის პედაგოგები არც შემოქმედებითობით და არც გამოცდილებით არაფერს ჩამოუვარდებიან, 22 მასწავლებელთან მიწვევა მუშაობა, ყველა მათგანი უფროსი და ნამყვანი პედაგოგია. მათ უბრალოდ არ შკონდათ საკუთარი პრაქტიკის აღრიცხვისა და სხვებისთვის გაზიარების ჩვევა. პროექტი „ახალი სკოლის მოდელი“, სასკოლო კურიკულუმების საშუალებით, სწორედ ამ ხარვეზს ავსებს. ეს, ერთი მხრივ, პედაგოგთა პროფესიულ ზრდას უწყობს ხელს, მეორე მხრივ კი – სკოლის ერთიანი გუნდად ჩამოყალიბებას. კურიკულუმები მოსწავლეების ინტერესებსა და შესაძლებლობებსა შორის, ვითვალისწინებთ სწავლა-სწავლების კონსტრუქტივისტულ პრინციპებს: აქტიური სწავლა-სწავლება, რომელიც მოსწავლის შინაგანი მოტივაციის გაღვივებას უწყობს ხელს; ახალი ცოდნის კონსტრუირება მოსწავლის წინაშე ცოდნაზე დაყრდნობით – მოსწავლის თანდათანობითი მიყვანა ახალ ცოდნამდე, ნაცნობ კონტექსტებზე დაყრდნობით; ცოდნათა ურთიერთდაკავშირება და ორგანიზება – მოსწავლის გონებაში ცნებათა მშულების ჩამოყალიბება, რომელიც სხვადასხვა მიმართულებით შექმნილი ცოდნის გამოთიანებაში დაეხმარება; სწავლის სწავლა – იმ სტრატეგიების გაცნობიერება, რომელსაც მოსწავლე სწავლა-სწავლების პროცესში იყენებს; ცოდნის სამი კატეგორია: დეკლარატიული (რა ენოდება?), პროცედურული (როგორ შევასრულო?) და პირობისეული (როდის გამოვიყენო?) – სასწავლო მასალის არა მხოლოდ დამახსოვრება, არამედ სიღრმისეულად გააზრება და ცხოვრებისეულ კონტექსტებთან დაკავშირება. მეთოდოლოგიური თვალსაზრისით, განათლების რეფორმის კონცეპტუალური მხარე ამ ხუთი პრინციპის საკლასო ოთახში რეალიზებამდე დაიყვანება.

კონსტრუქტივისტული პრინციპების განხორციელებაში მასწავლებლებს ვთავაზობთ აქტივობებისა და კომპლექსური დავალებების ნიმუშებს, რომელიც მათ საკლასო ოთახში რეალიზებული კონსტრუქტივისტული პრინციპების გადატანისათვის იყენებდნენ და არგებდნენ თავიანთი მოსწავლეების ინტერესებს, შესაძლებლობებს და საჭიროებებს. დანერგილ მატრიცებს კი ვტესტავდით გაკვეთილებზე და ვაკვირდებოდით როგორ იზრდებოდა დღით დღე მოსწავლეთა ჩართულობა და ანალიზისა და სინთეზის უნარი. კლასში არ რჩებოდა დაუსაქმებელი მოსწავლე. კომპლექსური დავალებების შექმნაში ყველა მოსწავლეა ჩართული, შემდეგ კი ხდება ამ დავალებების გასიტყვება. მოსწავლეებს იმდენად მოსწონთ ასეთი გაკვეთილები, რომ სხვაგვარ სწავლებას აღარც მოისურვებენ. წარსულს ჩაბარდა ტექსტების მხოლოდ დაზეპირება, ახლა ხდება თითოეული ტექსტის გაგება-გაანალიზება, შედარება, ინტერპრეტირება და აზრის დასახილველი.

2019 წლის ნოემბერ-დეკემბერში სკოლაში განვითარდა პროექტი მშობელთა ჩართულობით. ყველა მასწავლებელმა ჩაატარა მშობელთა თანდასწრებით ღია გაკვეთილები, სადაც მათ დაინახეს თავიანთი შვილების შედეგები, არსებული გამოწვევები და დაედებოდა შეფასება „ახალი სკოლის მოდელი“.

„ახალი სკოლის მოდელი“ არის პროექტი, რომელიც საშუალებას გვაძლევს ჩვენს სკოლაში შევქმნათ ნიმუში იმისა, თუ რა

რაფორმა

არის ჩვენთვის კარგი სკოლა და კარგი სასწავლო პროცესი. შემდეგ კი მის დახვეწასა და განვითარებაზე ვიზრუნით. სასკოლო საზოგადოების ყველა წევრს შეუძლია და მართებს წვლილი შეიტანოს სკოლის განვითარებასა და გაუმჯობესებაში. ამიტომ ყველა ცვლილება მხოლოდ ზრუნვისა და თანამშრომლობის და არა კონკურენციის რეჟიმში შეიძლება განხორციელდეს.



მზია სალაკი სსიპ ილია ჭავჭავაძის სახელობის ქ. ბათუმის №1 საჯარო სკოლის „ახალი სკოლის მოდელის“ კურიკულუმის განვითარების ექსპერტი, დაწყებითი კლასების მენტორი მასწავლებელი

როგორც დაწყებითი კლასების პრაქტიკოსი მასწავლებელი, 40-წლიანი მუშაობის გამოცდილებით, უამრავი სიხარულია და რეფორმის მონაწილე ვარ, ამიტომ თავს უფლებას ვაძლევ, ვისაუბრო პროექტის „ახალი სკოლის მოდელი“ დადებით მხარეებზე. „ახალი სკოლის მოდელი“ ხშირად ადარებენ ფინურ და ესტონურ მოდელს, რაშიც ვერ დავთანხმდები. პროექტი შემუშავებულია ქართველი ექსპერტების მიერ და სრულიად ქართული პროექტია. ჩემი მრავალწლიანი გამოცდილებით, თამამად შემიძლია ვთქვა: რაც ახლა ხდება ქართულ საგანმანათლებლო

სივრცეში და რასაც „ახალი სკოლის მოდელი“ ჰქვია, არის განათლების სისტემაში დანერგილი რეფორმის მნიშვნელოვანი ნაწილი. მისი მიზანია პიროვნებაზე ორიენტირებული საგანმანათლებლო გარემოს შექმნა, რომელიც მოსწავლეს 21-ე საუკუნის რეალობისათვის საჭირო ცოდნასა და უნარ-ჩვევებს მისცემს. ახალი სკოლის მოდელს ორი ძირითადი მიზანი აქვს: სწავლა-სწავლების ხარისხის გაუმჯობესება და კარგი ადამიანისა და მოქალაქის აღზრდისათვის საჭირო გარემოს შექმნა.

ვეთანხმები მოსაზრებას, რომ კარგი პედაგოგი ყველა დროში კარგად ახერხებდა თავისი მოვალეობის შესრულებას, თუმცა ახალი მოდელი მათ ახალ შესაძლებლობას აძლევს. სწავლა-სწავლების პროცესში გამოიკვეთა მთავარი – სწავლების გრძელვადიანი მიზნის მიღწევა. ადრე მოსწავლეებს არ ჰქონდათ საშუალება მოეხდინათ ცოდნის ადაპტირება და გაეკეთებინათ ტრანსფერი ცხოვრებისეულ სიტუაციებთან, მიღებულ ცოდნასა და პრაქტიკულ გამოცდილებას შორის. მასწავლებლები ორიენტირებული იყვნენ მოკლევადიან, კონკრეტულ საგაკვეთილო მიზანზე. ახალი მოდელით კი, მთავარი ორიენტირი მოსწავლის გრძელვადიანი მიზნებია; პირობისეული ცოდნის გააქტიურება და დახმარება გაიაზროს მიღებული ცოდნა და უნარების ღირებულება – რაში სჭირდება, როგორ გამოიყენებს ცხოვრებაში, სად, რა ფორმით და რასთან კავშირში შეძლებს მიღებული ცოდნის რეალიზება-გამოყენებას. ამ ყველაფრის გაცნობიერების შემდეგ, კი მოსწავლეს სულ სხვა შინაგანი მოტივაცია და ინტერესი აღედგება.

პედაგოგებმა დაიწყეს ფიქრი იმაზე, როგორ გაუჩინონ მოსწავლეებს მოტივაცია, შექმნილი ცოდნის, უნარების და გარემოსთან ადაპტირებული ცოდნის თანხვედრა.

სკოლის პედაგოგებს შორის ყალიბდება ახალი სახის ურთიერთობა და თანამშრომლობა, ე.წ. „ფარული კურიკულუმი“. მასწავლებლები ხდებიან კოლეგიალურები; ისინი ერთმანეთის კონკურენტები არ არიან; პარალელური კლასის მასწავლებლები, პარალელური რეჟიმში, ასწავლიან სასწავლო თემას, რომელიც კურიკულუმშია წარმოდგენილი (მუშაობენ თემატური მატრიცის მიხედვით). თემის სწავლა-სწავლების დაწყებამდე, ერთობლივად განიხილავენ თემატურ მატრიცას (კომპლექსურ დავალებებს, მსჯელობენ კომპლექსური დავალებების განხორციელებისთვის საჭირო აქტივობებზე), აქტიურად თანამშრომლობენ და ერთმანეთს უზიარებენ მოსაზრებებს მიმდინარე პროცესებთან დაკავშირებით. თემის დასრულების შემდეგ, ერთად იკრიბებიან და განიხილავენ, არჩევენ საუკეთესო ვარიანტს.

პროექტის სიკეთეს ისიც ნიშნობს, რომ „ახალი სკოლის მოდელი“ მოსწავლეს მთავარ მიზეზს, ვისთვისაც ყველაფერი კეთდება – მოსწავლეს. ეს კი, ვფიქრობ, მთავარი ინდიკატორია პროექტის შესაფასებლად. ბოლოს კი გავიმეორებ ქალბატონ თამარ ჯაყელის სიტყვებს: „ახალი სკოლის მოდელი“ ბევრი ქვეყანა გადაიღებს და გამოიყენებს.

მომზადდა ლალი თვალაბიშვილმა

იურისტის კონსულტაცია

როგორც უკვე დანერგდა, 2020 წლიდან კრედიტულუზის დაგროვების სისტემას „მასწავლებლის პროფესიის რეგულირების წესი“ ჩაანაცვლებს. სანიტარისო, რა შედეგებთან და ვალდებულებებს ითვალისწინებს მასწავლებლისათვის ეს ნორმატიული აქტი?

„მასწავლებლის პროფესიის რეგულირების წესის მიხედვით“ შეიცვლება პროფესიაში შესვლა, შენარჩუნება და დაინაურება.

აღსანიშნავია, რომ მასწავლებლების მიერ მოპოვებული კრედიტულუზი არ გაუქმდება, თუმცა, აღარ იარსებებს შიდა მექანიზმებით კრედიტების დაგროვების სისტემა. როგორც ცნობილია, სკოლაში არსებობდა შიდა შეფასების ჯგუფი, რომელიც აფასებდა მასწავლებლის მიერ განხორციელებულ აქტივობებს და ამის მიხედვით ანიჭებდა კრედიტულუზს. მსგავსი სისტემა აღარ იარსებებს. ახალი სისტემის მიხედვით, მასწავლებელს მიეცემა საშუალება დააგროვოს კრედიტულუზი გარე მექანიზმებით. ეს გულისხმობს იმას, რომ ის პრაქტიკოსი მასწავლებლები, რომელთაც ყველა სავალდებულო აქტივობა აქვთ გავლილი – ჩააბარეს ორივე გამოცდა, 2 შიდა საგაკვეთილო დაკვირვება, დაგროვებული აქვთ 15 კრედიტულუზი, ხუთი კრედიტული სატრენინგო პროგრამის წარმატებით გავლის შემთხვევაში შეძლებენ 19 კრედიტულამდე კრედიტების შეგროვებას და უფროსი მასწავლებლის სტატუსის მოპოვებას. იმ შემთხვევაში, თუ პედაგოგს არ აქვს გამოცდა ჩაბარებული, მაშინ შეუძლია გაიაროს ტრენინგმოდულები, პარალელურად, ჩააბაროს გამოცდა და დააგროვოს 19 კრედიტულუზი. მეტი სიზუსტისათვის, განმარტავთ, რომ გარე მექანიზმებს წარმოადგენს ტრენინგები და გამოცდა.

ყველა პრაქტიკოს მასწავლებელს შეეძლება ტრენინგზე დარეგისტრირება? ხომ არ იქნება ადგილი რეგულირების რეგულირების სისტემის განხორციელების შემთხვევაში? რამდენად სხვადასხვა აქტივობებით აქვთ მოპოვებული 19 და მათი კრედიტულუზი, მატრამ კომპეტენციები (თუნდაც ერთ-ერთი) არ აქვთ დადასტურებული?

ტრენინგზე დარეგისტრირება შეეძლება ყველა პრაქტიკოს მასწავლებელს, მათ შორის, ვინც ჯერ არ გასულა გამოცდაზე. რაც შეეხება მასწავლებლებს, რომელთაც 19 და მეტი კრედიტულუზი აქვთ მოპოვებული, მაგრამ არ აქვთ დადასტურებული კომპეტენციები როგორც პროფესიული უნარების, ასევე საგნობრივი, განმარტავთ, რომ ორივე კომპეტენციის დადასტურება აუცილებელი წინაპირობაა უფროსის სტატუსის მოსაპოვებლად.

ხუთკრედიტიან ტრენინგზე რეგისტრაცია 15 თებერვლიდან დაიწყება. პედაგოგებს 3 კრედიტის მოპოვება შეეძლებათ საგნობრივი კომპეტენციის ტრენინგებიდან, 2 კრედიტის – პროფესიული უნარების ტრენინგებიდან. მასწავლებლებს ტრენინგ მოდულების წარმატებით გავლის შემთხვევაში, 1-დან 5-მდე კრედიტის დაგროვების შესაძლებლობა ექნებათ. პედაგოგები მათთვის სასურველი და საჭირო კრედიტულუზის შესაბამისი ტრენინგმოდულის შერჩევას თავად შეძლებენ.

შენარჩუნდება თუ არა გამოცდაზე 1, 4, 7 კრედიტის მიღების შესაძლებლობა?

როგორც ცნობილია, პრაქტიკოსი მასწავლებლებისათვის ზაფხულის გამოცდაზე 1, 4 და 7 კრედიტულუზის მიღების შესაძლებლობა ისევ ძალაში რჩება.

პრაქტიკოსი და პროფესიული უნარების განვითარების დადასტურების გამოცდაზე ხომ არ არის რაიმე სიხარული და როდის ჩატარდება?

უფროსი მასწავლებლის სტატუსის მისანიჭებელი გამოცდა ზაფხულში ჩატარდება. ფორმატი და შინაარსი იქნება იგივე, ცვლილება ეხება მხოლოდ გამოცდის ქულის შენარჩუნებას. წინა სქემის მიხედვით, თუ მასწავლებელი ერთი და იმავე საგანში ორჯერ გავიდა გამოცდაზე, ადრინდელი შედეგი უქმდება. ახალი რეგულაციის მიხედვით კი, თუ მასწავლებელმა მეორედ ჩააბარა გამოცდა, წინა გამოცდის შედეგი არ დაეკარგება. მას მიეცემა იმის საშუალება, მიღებული შედეგ-

გებიდან, აირჩიოს მისთვის საუკეთესო შედეგი.

ჩატარდება თუ არა 2020 წელს გამოცდა, ნამყვანი და მენტორი მასწავლებლის სტატუსის მოსაპოვებლად?

გამოცდა, რომელიც განკუთვნილი იქნება ნამყვანი და მენტორი მასწავლებლის სტატუსის მოსაპოვებლად, წელს ვერ მოეხსნება, რადგან უნდა შეიცვალოს მასწავლებლის პროფესიული სტანდარტი. ახალი სტანდარტის პროექტი შემუშავებულია და განხილვის პროცესშია.

რა გამოწვევის ანგარიშს „მასწავლებლის პროფესიის რეგულირების წესი“ უფროსი მასწავლებლისათვის?

წელს, იმ უფროსი პედაგოგებისათვის, რომელთაც სურთ ნამყვანი მასწავლებლის სტატუსის მოპოვება, დაშვებულია რიგი შედეგები. უფროსი მასწავლებლები, რომლებსაც 15 კრედიტულუზი აქვთ დაგროვებული, მათ შორის, სავალდებულო აქტივობები სრულად აქვთ განხორციელებული (2 სამოდულო გაკვეთილი და პედაგოგიური პრაქტიკის კვლევა) და ყველაფერი წარმატებით დაუდასტურდათ, გამოწვევის სახით, სექტემბერიდან დეკემბრის ჩათვლით, ეძლევათ გარე დაკვირვების გავლის უფლება, რის შედეგადაც ნამყვანის სტატუსი მიენიჭებათ. იმ უფროსი მასწავლებლებს, რომელთაც კვლევა დაუხარვეზდათ, შეუძლიათ დაიწყონ მუშაობა ხარვეზის გამოსწორებისათვის და, სავარაუდოდ, აპრილიდან მიეცემათ შესაძლებლობა ატვირთონ კვლევები. ვისაც კვლევა დადებითად შეუფასდება, სექტემბრიდან დეკემბრამდე შეეძლება გაიარონ რეგისტრაცია გარე დაკვირვებაზე და 2020 წლის ბოლომდე დასრულდება მათთვის ნამყვანის სტატუსის მინიჭების პროცესი. ხოლო მასწავლებლებს, რომლებსაც წელს მიენიჭათ უფროსის სტატუსი, მათ ახალი რეგულაციებით მოუწევთ სტატუსის შეცვლა.

ვინ არიან მასწავლებლის მასწავლებლის მასწავლებლის მასწავლებლის უფლებამოსილი პირები?

საქართველოს განათლების, მეცნიერების, კულტურისა და სპორტის მინისტრის ბრძანებით დამტკიცდა მასწავლებლობის მაძიებელთა რეგისტრაციის პროცედურები და მასწავლებლობის მაძიებლობის პერიოდის გავლის წესი. ბრძანებაში, ასევე, საუბარია იმ პირებზე, რომლებიც არიან უფლებამოსილი პირები რეგისტრაცია გაიარონ მასწავლებლობის მაძიებლის პროგრამაზე. როგორც ბრძანებაშია ნათქვამი, მასწავლებლობის მაძიებელად რეგისტრაციაზე უფლებამოსილი პირებია:

1. 2023 წლამდე მასწავლებლობის მაძიებელი შეიძლება იყოს ნებისმიერი პირი, რომელსაც აქვს არანაკლებ ბაკალავრის ან მასთან გათანაბრებული აკადემიური ხარისხი და მას არ მოეთხოვება ეროვნული სასწავლო გეგმის შესაბამისი საგნის/საგნობრივი ჯგუფის აკადემიური ხარისხის ფლობა, ასევე, სამხედრო/სასპორტო პროფესიული განათლების მქონე პირი.

2. ამ მუხლის პირველი პუნქტით გათვალისწინებული პირები ვალდებული არიან ზოგადსაგანმანათლებლო დაწესებულებაში მასწავლებლობის მაძიებლად დასაქმებამდე ჩააბარონ იმ საგნის გამოცდა, რომლის სწავლებაც სურთ ზოგადსაგანმანათლებლო დაწესებულებაში.

3. მასწავლებლობის მაძიებლად მიიჩნევა ასევე პირი, რომელიც 2018-2019 სასწავლო წლის დასაწყისისათვის ასწავლიდა ზოგადსაგანმანათლებლო დაწესებულებაში და მასწავლებლის პროფესიული განვითარებისა და კარიერული წინსვლის სქემაში ჩართული არ იყო.

რას მოიცავს მასწავლებლობის მაძიებლობის პროგრამა?

„მასწავლებლობის მაძიებელთა რეგისტრაციის და მასწავლებლობის მაძიებლობის პერიოდის გავლის წესისა და მასწავლებლობის მაძიებლობის პერიოდის გავლის დამადასტურებელი დოკუმენტის ნიმუშისა და გაცემის წესის დამტკიცების შესახებ“ ბრძანების მიხედვით მასწავლებლობის მაძიებლობის პროგრამა მოიცავს ორ ძირითად მიმართულებას, ესენია: აკადემიური კურსი და პედაგოგიური პრაქტიკის კურსი, რომელიც ითვალისწინებს მაძიებლისთვის როგორც თეორიული ცოდნის გაღრმავებას, აგრეთვე პრაქტიკული ცოდნის მიღებასა და გავლას ზოგადსაგანმანათლებლო დაწესებულებაში.

როგორ მოხდება მაძიებლისათვის ბაკალირი კურსის შეფასება?

მასწავლებლობის მაძიებლის მიერ, მასწავლებლობის მაძიებლობის პროგრამის პედაგოგიური პრაქტიკის კურსის დასრულების შემდგომ, სკოლის დირექტორი აფასებს მასწავლებლის პროფესიულ საქალაქო განათავსებულ დოკუმენტებს და იღებს გადაწყვეტილებას მასწავლებლობის მაძიებლის მიერ პედაგოგიური პრაქტიკის კურსის გავლის დადებითად ან არყოფილად შეფასების შესახებ და წერილობითი ფორმით მიმართავს ცენტრს. მასწავლებლობის მაძიებლობის პროგრამის აკადემიური კურსის შეფასებას ახორციელებს ცენტრი, ხოლო პედაგოგიური პრაქტიკის კურსის შეფასებას – ზოგადსაგანმანათლებლო დაწესებულება. მასწავლებლობის მაძიებლის მიერ მასწავლებლობის მაძიებლობის პროგრამა ითვლება წარმატებულად გავლილად, თუ მასწავლებლობის მაძიებელი აკადემიური და პედაგოგიური პრაქტიკის კურსში შეფასდება დადებითად.

პროგრამა თუ არა მაძიებლობის პროგრამის ბაკალირი კურსის ანაზღაურება და რა იქნება მათი სამიანობა ამ პერიოდში?

რასაკვირველია, მაძიებლობის პროგრამის პერიოდი ანაზღაურებადია, ვინაიდან, პედაგოგები ამ დროს ჩვეულებრივ ასწავლიან საგანს და, პარალელურად, გადიან მასწავლებლობის მაძიებლობის კურსს მაძიებლობის პროგრამაზე. ამ პერიოდში მათი ანაზღაურება უტოლდება პრაქტიკოსი მასწავლებლის ანაზღაურებას.

რატომ არ მიიქმება დანამატი სრულად უფროს, ნამყვან და მენტორ მასწავლებლებს, იმ შემთხვევაში, როდესაც სკოლაში შესაბამისი საგნობრივი ჯგუფი შეიქმნება? რატომ არ მიიქმება დანამატი სრული მოდერის მისაღებად საჭირო საგან-კვალიფიკაციის მისაღებად?

განათლების, მეცნიერების, კულტურისა და სპორტის მინისტრის 126/6 ბრძანების თანახმად, ასეთ შემთხვევაში, მხოლოდ უცხო ენის პედაგოგებს ეძლევათ სრულად სტატუსის დანამატი.

საქართველოს პედაგოგთა და მეცნიერთა თავისუფალ პროფკავშირს მიგვაჩნია, რომ ზემოაღნიშნული ნორმა დისკრიმინაციულია სხვა საგნის პედაგოგთა მიმართ. ასეთი მიდგომა უარყოფითად მოქმედებს მასწავლებელთა მოტივაციასა და სწავლების ხარისხზე, ასევე, აჩენს ეჭვს სხვა საგნების აქტიულობისა და თანაბარმნიშვნელოვნობასთან დაკავშირებით.

ამ პრობლემის გადაჭრის მიზნით, 2016 წლის ივლისს, პედაგოგთა და მეცნიერთა თავისუფალმა პროფკავშირმა ინიციატივით მიმართა განათლების მინისტრს და მოითხოვა ცვლილებების განხორციელება კანონში. განათლების მინისტრმა დადებითად გადაწყვიტა საკითხი და განათლების სამინისტროში შემუშავდა პროექტი, განათლებისა და მეცნიერების მინისტრის №126/6 ბრძანებაში ცვლილებების შესახებ: „თუ სკოლაში შესაბამის საგნობრივ ჯგუფში შემავალი საგნის/საგნებისათვის გათვალისწინებული საგაკვეთილო საათების რაოდენობა ნაკლებია, დანამატის სრული ოდენობის მისაღებად საჭირო საგაკვეთილო საათების რაოდენობაზე, მასწავლებელს დანამატი უნდა მიეცეს სრულად“. მინისტრების ცვლილებების გამო, გადაწყვეტილების მიღება დროში გაინელა და ეს საკითხი შეჩერდა. ჩვენ არაერთგზის შევასხენეთ მინისტრებს და მოვითხოვეთ შესაბამისი ნორმატიული აქტი ცვლილების განხორციელება.

ზემოაღნიშნულ პრობლემასთან დაკავშირებით ხშირად მოგვმართავენ საბუნებისმეტყველო და საზოგადოებრივი მეცნიერების საგნის მასწავლებლები, რომელთაც სამართლიანი პროტესტი და გულსიტყვილი აქვთ.

იმედი გვაქვს, პრობლემა საბოლოოდ გადაიჭრება უახლოეს მომავალში, რისთვისაც საქართველოს მეცნიერთა და პედაგოგთა თავისუფალი პროფკავშირი ძალას არ დაიშურებს

ანანო ფანჯულიძე, გიორგი ნანობაშვილი საქართველოს პედაგოგთა და მეცნიერთა თავისუფალი პროფკავშირის იურისტები

ზოგადი განათლება

სამინისტრომ საჯარო სკოლის დირექტორების მსურველებისთვის კონკურსი დაიწყო

ლალი ჯალაძე

განათლების, მეცნიერების, კულტურისა და სპორტის სამინისტრომ საჯარო სკოლის დირექტორების მსურველებისთვის კონკურსი გამოაცხადა. ამ თემაზე მინისტრის მოადგილემ, ეკადგეუაძემ პრეზენტაციის დროს განაცხადა.

სერტიფიცირების მსურველებისთვის ელექტრონული რეგისტრაცია საქართველოს განათლების, მეცნიერების, კულტურისა და სპორტის სამინისტროს ვებგვერდზე www.directors.mes.gov.ge 3 თებერვალს დაიწყო და 17 თებერვალს დასრულდება.

ეკადგეუაძემ განმარტა, რომ სერტიფიცირების შედეგად, ჯანსაღი კონკურენტის პირობებში, მაღალკვალიფიციური და ლირსული კადრების მოზიდვა იგეგმება: „დირექტორების მსურველთა შერჩევის პროცესში სამინისტროს ამოცანას წარმოადგენს როგორც კონკურსის გამჭვირვალედ, კვალიფიციურად და მიუკერძოებლად ორგანიზება, ასევე, კონკურენტებისთვის კეთილგანწყობილი და თანაბარი პირობების შექმნა.“

კონკურსში მონაწილეობის მიღებას შეძლებენ უმაღლესი განათლების მქონე პირები, რომლებსაც მუშაობის, არანაკლებ სამწლიანი გამოცდილება აქვთ, აქედან განათლების სფეროში სწავლების, მინიმუმ, ერთწლიანი სტაჟი.

რაც შეეხება სერტიფიცირების პროცესს, ორი ნაწილისგან შედგება – ტესტირება და გასაუბრება. ტესტირების პროგრამა რამდენიმე მიმართულებას მოიცავს – საკანონმდებლო ბაზა, სასწავლო პროცესის ორგანიზება, მონიტორინგი და შეფასება, სკოლის ადამიანური რესურსის მართვა, ეფექტური კომუნიკაციისა და მოტივაციის მეთოდები, მშობლებთან მუშაობა და ანგარიშვალდებულება, ლოგიკური მსჯელობა და ინფორმაციის ანალიზი და სხვ.

როგორც მინისტრის მოადგილემ განაცხადა, ტესტირება ელექტრონული ფორმატით ჩატარდება და კონკურსანტის კომპეტენცია და უნარები წარმატებით დაძლეულად ჩაითვლება ტესტის მაქსიმალურ ქულათა 60%-ის დაგროვების შემთხვევაში. „შეფასების შედეგების შესახებ ინფორმაციას კონკურს-

სანტი ტესტის დასრულებისთანავე მიიღებს და თუ ის დადგენილ მინიმალური კომპეტენციის ზღვარს გადალახავს, საშუალება მიეცემა, გადავიდეს გასაუბრების მეორე ეტაპზე.“

გასაუბრების ეტაპის შესახებ ინფორმაციას აპლიკანტები ტესტირების პროცესის დასრულების შემდეგ შეიტყობენ, ოფიციალურად, ვებგვერდზე განთავსებული ინფორმაციით. რაც შეეხება იმას, თუ ვინ ჩაატარებს გასაუბრებას, ეკადგეუაძემ განაცხადა, რომ დაკომპლექტდება ჯგუფები (კომისია), რომლებიც ტესტირების ეტაპის წარმატებით გავლილ კანდიდატებს ჩაუტარებენ გასაუბრებას: „სერტიფიცირების ორივე ეტაპის წარმატებით დასრულების შემდეგ, დირექტორების მსურველს გადაეცემა დირექტორების უფლების დამადასტურებელი სერტიფიკატი და მას ექნება უფლება, გადავიდეს კონკურსის მეორე ეტაპზე, რომელიც სკოლაში მათი კანდიდატების წარდგენასა და ახალი დირექტორის შერჩევის პროცესს გულისხმობს. ასევე, მნიშვნელოვანია ისიც, რომ სერტიფიცირებული დირექტორებისთვის, ასევე ვეგემავთ სატრენინგო პროგრამის გავლას, სანამ ისინი თავიანთ კანდიდატურას სკოლაში ასარჩევად წარადგენენ.“

ტესტირების ჩატარებამდე სამინისტროს ოფიციალურ ვებგვერდზე წინასწარ განთავსდება ტესტირების ჩატარების განრიგი, ინფორმაცია სტრუქტურის შესახებ – დავალებათა ტიპები და რაოდენობა, ასევე, მოსამზადებლად საჭირო ლიტერატურის ნუსხა.

რაც შეეხება მოქმედ დირექტორებს, მინისტრის მოადგილემ განმარტა, რომ: „ამ ეტაპზე ჩვენ კონკურსს კონკრეტულ სკოლებთან მიმართებაში არ ვაცხადებთ, ცხადდება კონკურსი სერტიფიცირებისთვის, რომელშიც დირექტორების მსურველი ადამიანები მიიღებენ მონაწილეობას. როდესაც უკვე განათლების სამინისტრო გამოაცხადებს დირექტორობაზე კონკურსს, ამ შემთხვევაში, დაიდება ინფორმაცია, თუ რამდენ სკოლაში მოხდება დირექტორების კანდიდატების წარდგენა. დღეს სისტემაში დასაქმებული არიან სკოლის ის დირექტორები, რომლებსაც აქვთ სერტიფიკატი და ამ ადამიანებისთვის არ არის განსაზღვრული სერტიფიცირების ეს პროცესი, რადგან მათ

უკვე აქვთ მოპოვებული სერტიფიკატი.“ თუმცა, სისტემას, მოქმედი სერტიფიცირებული დირექტორების გარდა, ჰყავს დირექტორის მოვალეობის შემსრულებლები, რომელთა შორის არიან როგორც სერტიფიცირებული, ისე არასერტიფიცირებული კადრები. კითხვაზე – ვალდებული არიან თუ არა დირექტორის მოვალეობის შემსრულებელი არასერტიფიცირებული კადრები მონაწილეობა მიიღონ გამოცხადებულ სერტიფიცირების პროცესში? ეკადგეუაძემ გვპასუხობს, რომ დირექტორების მოვალეობის შემსრულებელი ადამიანები, რომლებსაც არ აქვთ შესაბამისი სერტიფიკატი, ვალდებული არიან ჩაერთონ პროცესში. სერტიფიცირების გავლის შემთხვევაში კი, ისინი ავტომატურად, დროებით, რჩებიან დირექტორის პოზიციაზე.

ბრიფინგზე ცნობილი გახდა, ასევე, რომ დიდი ხნის ლოდინის შემდეგ დამტკიცდა დირექტორის ახალი სტანდარტი, რომელიც უახლოეს პერიოდში გამოქვეყნდება. რა მოთხოვნებს დააყენებს დირექტორების წინაშე ახალი სტანდარტი და რას შეცვლის ის რეალურად? ეკადგეუაძემ ამბობს, რომ: „სტანდარტში აღენერთ სწორედ იმ პროცესებს, რაც ძალიან მნიშვნელოვანია, რომ დირექტორმა იცოდეს სასწავლო პროცესის მართვის დროს. რეალურად კი, ახალი სტანდარტი შეცვლის მიდგომას და მენეჯმენტს, ზოგადად, სკოლასთან და მოსწავლესთან მიმართებაში, უფრო ჰუმანური და ბავშვზე ორიენტირებული იქნება.“

რა ბედი ეწევა მოქმედ დირექტორს, რომელიც ახალი სტანდარტით განსაზღვრულ მოთხოვნებსა და კრიტერიუმებს ვერ დააკმაყოფილებს? იგეგმება თუ არა მათი ხელახალი სერტიფიცირება? სამინისტროში აცხადებენ, რომ მოქმედ დირექტორებს ამის ვალდებულება არ აქვთ, თუმცა, იმისთვის, რომ მათი ცოდნა ახალ სტანდარტთან შესაბამისობაში მოვიდეს, გარკვეული ტიპის გადამზადებასა და ტესტირებას გეგმავენ. „სტანდარტი მოქმედი და გამოცდილი დირექტორების ჩართულობით შევიშუშავთ, რადგან მათ ძალიან კარგად იციან, თუ რა ღირებულებები და მნიშვნელოვანი კომპონენტები უნდა იყოს გათვალისწინებული – რა ცოდნას უნდა ფლობდეს დირექტორი. მათ ძალიან ბევრი კვალიფიციური სატრენინგო მოდული აქვთ გავლელი და ბევრ საჭირო ინფორმაციას ფლობენ.“

ინფორმაცია

სასტიპენდიო პროგრამები საზღვარგარეთ სწავლის მსურველი საქართველოს მოქალაქეებისთვის

3 თებერვალს, განათლების საერთაშორისო ცენტრმა, პარტნიორ საერთაშორისო ორგანიზაციებთან – საქართველოში იტალიის საელჩოს, საქართველოში საფრანგეთის საელჩოსა და ფრანგულ ინსტიტუტთან ერთად, 2020-2021 სასწავლო წლისათვის, ექვსი სასტიპენდიო პროგრამა გამოაცხადა. ეს პროგრამებია:

- საერთაშორისო სამაგისტრო პროგრამები;
- საერთაშორისო სადოქტორო პროგრამები;
- საერთაშორისო სახელოვნებო აკადემიური პროგრამები;
- საზღვარგარეთ კვალიფიკაციის ამაღლების პროგრამა;
- სამაგისტრო პროგრამები საფრანგეთში;
- აკადემიური პროგრამები იტალიაში.

ლონისძიებაზე, განათლების საერთაშორისო ცენტრის დირექტორმა, ნინო ჭელიძემ, საზოგადოებას პროგრამებით გათვალისწინებული გეგმების, ვადებისა და პროცედურების შესახებ მიაწოდა ინფორმაცია.

პროგრამები ითვალისწინებს როგორც სწავლის საფასურის, ასევე ცხოვრებისათვის საჭირო ხარჯების ანაზღაურებას. სასტიპენდიო პროგრამები კარგი შესაძლებლობაა საქართველოს მოქალაქეებისთვის, რათა სწავლა გააგრძელონ და აკადემიური ხარისხი მოიპოვონ მსოფლიოს სხვადასხვა ქვეყნის საუკეთესო უმაღლეს სასწავლებლებში.

ყოველწლიურად, სასტიპენდიო პროგრამებით განათლების საერთაშორისო ცენტრი, დაახლოებით, 200-მდე ქართველ სტუდენტს აფინანსებს.

ექვსივე პროგრამის ელექტრონული განაცხადების მიღება

ცენტრის ვებგვერდზე 3 თებერვალს დაიწყო – www.iec.gov.ge.

განათლების საერთაშორისო ცენტრი 2014 წელს დაარსდა და, დაარსებიდან დღემდე, 850-ზე მეტი სასწავლო სტიპენდია გასცა საზღვარგარეთ სწავლის მსურველი საქართველოს მოქალაქეებისთვის. მათმა ნაწილმა უკვე დაასრულა საზღვარგარეთ სწავლა, დაბრუნდა ქვეყანაში და მიღებული ცოდნის რეალიზებას საკუთარ ქვეყანაში განაგრძობს.

ინტელუიური სწავლების ხელშეწყობის პროგრამის ფარგლებში

საქართველოს განათლების, მეცნიერების, კულტურისა და სპორტის მინისტრის მოადგილემ, ეკატერინე დგეუაძემ თბილისის №202 უსინათლო ბავშვთა საჯარო სკოლის VII კლასის მოსწავლეებს ბრაილის შრიფტით აწყობილი და რელიეფური ნახატებით დაბეჭდილი ახალი გრიფინიჭებული სასკოლო სახელმძღვანელოები გადასცა.

227 442 ლარის ღირებულების, ბრაილის შრიფტით აწყობილი და 15 რელიეფური ნახატებით დაბეჭდილი, 186 სასკოლო სახელმძღვანელოს ადაპტირება სამინისტროს სსიპ საგანმანათლებლო და სამეცნიერო ინფრასტრუქტურის განვითარების სააგენტომ უზრუნველყო.

სკოლის მოსწავლეთა სოციალური ადაპტაციისა და საზოგადოებრივ საქმიანობებში ჩართულობის ხელშეწყობის მიზნით, სასწავლო პროცესში აქტიურად არის ჩართული სპეციალური დაგვი, ასევე ოკუპაციური თერაპევტი, ლოგოპედი, მობილობის ტრენერი და ფსიქოლოგი.

საქართველოს განათლების, მეცნიერების, კულტურისა და სპორტის სამინისტროს მთავარ პრიორიტეტს წარმოადგენს ყველა მოსწავლისთვის საგანმანათლებლო რესურსებზე ხელმისაწვდომობის უზრუნველყოფა და მათთვის თანამედროვე სტანდარტების შესაბამისი ადაპტირებული სასწავლო გარემოს შექმნა. ამ მიმართულებით, სამინისტრო, ინკლუზიური სწავლების ხელშეწყობის პროგრამის ფარგლებში, სხვადასხვა ქვეპროგრამას ახორციელებს.

უსინათლო და მცირემხედველი მოსწავლეები მონაწილეობენ ეროვნულ სასწავლო ოლიმპიადაში და ერთიან ეროვნულ გამოცდებს, ყოველწლიურად, წარმატებით აბარებენ. მათთვის საგანმრეწველ მასალას ბრაილისა და მსხვილ შრიფტზე ადაპტირებული.

Webster University საქართველოში შემოდის

წამყვანი ამერიკული უნივერსიტეტი, საერთაშორისო განათლების ლიდერი – ვებსტერი (Webster University), რეგიონში პირველ კამპუსს საქართველოში, „სილიკონ ველი თბილისის“ ტერიტორიაზე გახსნის, სადაც ქვეყნის ყველაზე სწრაფად



მზარდი და ინოვაციური უმაღლესი სასწავლო დაწესებულება – ბიზნესისა და ტექნოლოგიების უნივერსიტეტი (BTU) მდებარეობს.

ვებსტერის კამპუსები მსოფლიოს სხვადასხვა ქვეყანაში, მათ შორის – ჰოლანდიაში, ავსტრიაში, შვეიცარიაში, საბერძნეთში მდებარეობს.

ვებსტერის უნივერსიტეტის რეგიონში შემოსვლა ახალგაზრდებს მისცემს შესაძლებლობას, 2021 წლიდან, ამერიკული განათლება და დიპლომი საქართველოში, ქვეყნის დატოვების გარეშე, მიიღონ.

ბიზნესისა და ტექნოლოგიების უნივერსიტეტის ინოვაციური პროგრამები და საერთაშორისო სტანდარტების შესაბამისი გადამზადების პროგრამა, მაღალი ხარისხი და მნიშვნელოვანი პარტნიორები, ძლიერი ტექნოლოგიური ბაზა, მაღალტექნოლოგიური ლაბორატორიები, შექმნილი ეკოსისტემა – ეს იმ მიზეზების ნაწილია, რის გამოც ამერიკულმა უნივერსიტეტმა არჩევანი ბიზნესისა და ტექნოლოგიების უნივერსიტეტსა და „სილიკონ ველი თბილისზე“ გააკეთა.

ვებსტერის უნივერსიტეტი, 2000-მდე კვადრატული მეტრის ფართობზე, „სილიკონ ველი თბილისის“ ტერიტორიაზე განთავსდება, სადაც ლაბორატორიები, აუდიტორიები, ბიბლიოთეკა და სამუშაო სივრცეები მოწყობა.

ფორბსის უნივერსიტეტების 2019 წლის ტოპ რეიტინგში შესული ვებსტერის უნივერსიტეტი, დაარსების დღიდან, 1915 წლიდან, ლიდერობს და დღეს ფლობს კამპუსებს ჩრდილოეთ ამერიკის, ევროპის, აზიისა და აფრიკის კონტინენტებზე.

2018 წელს, საზღვარგარეთ განხორციელებული პროგრამებით, ვებსტერი აშშ-ს №4 სასწავლებელი გახდა „ამერიკის საუკეთესო უნივერსიტეტების“ რეიტინგში, სადაც აშშ-ს 1500 სასწავლებლიდან მხოლოდ 44 მოხვდა.

ვებსტერის რეპუტაციას განაპირობებს მრავალი გავლენიანი სარეიტინგო სისტემების მიერ, მისი, როგორც აშშ-ს ერთ-ერთი საუკეთესო სასწავლებლის, წარმომჩენა, ესენია: Washington Monthly, College NET, National Council for Accreditation of Teacher Education (NCATE), College Choice, AccreditedSchoolsOnline.org, Military Times და სხვ.



პროექტი „ახალი სკოლის მოდელი“ და ჩვენი სკოლა

ქალაქ ქუთაისის №32 საჯარო სკოლა, ტრადიციულად, პასუხობს საგანმანათლებლო ამოცანას – მოსწავლეზე ორიენტირებული სწავლებისა და მაღალი მოქალაქეობრივი პასუხისმგებლობით გამსჭვალული თაობის ჩამოყალიბება-ფორმირების შესახებ.

სკოლის მრავალწლიანი გამოცდილება და განვლილი გზა კვლავაც გვაფალდებულებს, პასუხისმგებლობით მოვეკიდოთ ყოველ ახალ საგანმანათლებლო გამოწვევას და ჩვენი მნიშვნელოვანი წვლილი შევიტანოთ მომავალი თაობის განათლების საქმეში.

პროექტი „ახალი სკოლის მოდელი“ პროგრამამ თავიდანვე პრიორიტეტებად განსაზღვრა სასკოლო კულტურის განვითარება, სწავლა-სწავლების ხარისხის გაუმჯობესება, სკოლის ბაზაზე მასწავლებელთა პროფესიული განვითარება და თანამშრომლობითი კულტურის გაძლიერება. ასევე კონსტრუქტივისტული პარადიგმის ხუთმა საგანმანათლებლო პრინციპმა განსაზღვრა სწავლა-სწავლების მიმართულებები: შინაგანი ძალების გააქტიურება, ცოდნის ეტაპობრივად კონსტრუირება, ცოდნითა ურთიერთკავშირის ორგანიზება, სწავლის სტრატეგიების დაუფლება, სწავლა-სწავლება სამივე კატეგორიით – დეკლარატიული, პროცედურული, პირობისეული.

აქედან გამომდინარე, საგანმანათლებლო პრინციპებზე დაფუძნებული სასკოლო სასწავლო გეგმის განვითარება და დანერგვა, ციფრული ტექნოლოგიების ინტეგრირება სწავლა-სწავლების პროცესში, სკოლის მართვის ეფექტიანი მიდგომების განვითარება, წინსვლისა და განვითარების ხელშეწყობი შეფასების სისტემის შექმნა.

შესაბამისად, ჩვენც მიზნად დავისახეთ სამი მიმართულებით გვემოქმედა:

- სკოლამ, სასკოლო საზოგადოებამ უზრუნველყოს სკოლის მდგრადი განვითარება; შექმნას მიმზიდველი სოციალკულტურული სივრცე; განავითაროს ადგილობრივ კონტექსტზე მორგებული სასკოლო სასწავლო გეგმა, ანუ კურიკულუმი;
- კლასს ექნეს თვითეფექტიანობის მაღალი განცდა; კლასებში მიმდინარეობდეს გააზრებული სწავლა-სწავლება, რაც ორგანიზებული ცოდნის კონსტრუირებას შეუწყობს ხელს;
- მოსწავლეს გაუჩნდეს თვითეფექტიანობის მაღალი განცდა; ღია იყოს გამოწვევების მისაღებად; ჩამოუყალიბდეს სწავლის ძლიერი მოტივაცია; განავითაროს საკუთარი შესაძლებლობები.

ჩვენი სკოლა, როგორც აღვნიშნეთ, ტრადიციებისა და ინოვაციების შერწყმის თვალსაზრისით, გამორჩეული სკოლაა. „ახალი სკოლის მოდელი“ კი ახალი მიზანდასახულება შესძინა ჩვენს სასწავლო პროცესს და დღეს შეგვიძლია კონკრეტულად ვისაუბროთ იმ ცვლილებებსა და სასიკეთო შედეგებზე, რომლებსაც თვალნათლივ ვხედავთ.

უპირველესად, იმ დადებითი ტენდენციის დანერგვაზე უნდა გავამახვილო ყურადღება, რასაც სკოლაში განათლების, მეცნიერების, კულტურისა და სპორტის სამინისტროს მიერ მოვლენილი მხარდაჭერა გუნდის მუშაობა ჰქვია. გუნდის ყველა წევრი ითავისებს დაკისრებულ დიდ პასუხისმგებლობას და კეთილსინდისიერად ეკიდება მოვალეობას. მათი ქმედება მიმართულია ზემოთ აღნიშნული საგანმანათლებლო ამოცანების გადაწყვეტისაკენ და ეტაპობრივად, თანმიმდევრულად სასკოლო კურიკულუმის მდგრადი ამოქმედებისაკენ.

2018-2019 სასწავლო წლის მეორე სემესტრში, ამ კუთხით, სკოლის დირექციამ და საბაზო საფეხურის პედაგოგებმა, ლიდერქოუჩ მია მამისევილიან ერთად, წარმატებულად განახორციელეს დაგეგმილი პროექტები, რომლებიც ერთგვარად ამზადებს ნიადაგს დაწყებითი საფეხურისა და სხვა საფეხურების დასაკავშირებლად.

წინა სემესტრშივე, დაწყებითი საფეხურის მასწავლებლებმა, კურიკულუმის დანერგვის ექსპერტ ბელა დურგლიშვილიან ერთად, ინტენსიური საინფორმაციო და სამუშაო შეხვედრებითა და ყველა საგანში მატრიცების შედგენა-დამუშავებით, მოამზადეს მნიშვნელოვანი ბაზა სასკოლო კურიკულუმის პირველი ფაზისა და კომპლექსური დავალებების ბანკის შესაქმნელად. ექსპერტის თანამშრომლობა მასწავლებლებთან შემდეგი მიმართულებებით წარიმართა: მიზნის მხედველობის არიდან დაკარგვის ნაცვლად, როგორ უნდა გაათავისებინონ მასწავლებლებმა მოსწავლეებს სამიზნე ცნებები და მკვიდრი წარმოდგენები; როგორ დაასმევიონ აქცენტი მოსწავლეებს, დამახსოვრების ნაცვლად, გააზრებზე; როგორ დაამუშავებინონ კომპლექსური დავალება, თემის კონტექსტის, საკვანძო შეკითხვისა და მატრიცაში განსაზღვრული სხვა მნიშვნელოვანი რუბრიკების მეშვეობით; როგორ აქციონ ინიციატივა და შემოქმედებითობა პრიორიტეტებად სასკოლო კურიკულუმის განვითარებით.

ასევე, ამავე პროცესში, მასწავლებელთა მიერ მომზადდა ციფრული ტექნოლოგიით გამართული კომპლექსური დავალებები, რაშიც მნიშვნელოვანი როლი შეასრულა ტექნოლოგიის ექსპერტ პაატა გულუასთან თანამშრომლობამ. მის მიერ, დაწყებით და საბაზო-საშუალო საფეხურის მასწავლებლებთან ერთად, ქოუჩინგის ფარგლებში, დაგეგმილი შეხვედრები სისტემატურად მიმდინარეობს.

მიმდინარე სასწავლო წლის დასაწყისიდან „ახალი სკოლის მოდელი“ მხარდაჭერთა გუნდს ახალი წევრი – კურიკულუმის დანერგვის ექსპერტის ასისტენტი მია ჩაკევიტაძე დაემატა, რომელიც ინტენსიურად ახორციელებს თავის მოვალეობას, კურიკულუმის ექსპერტთან ერთად.

გასული სასწავლო წლის ბოლოს, სკოლის დაწყებითი საფეხურის მასწავლებლების მუშაობით, მიღწეული იქნა რამდენიმე მნიშვნელოვანი და ხელშესახები შედეგი: ამალდა და განვითარდა საფეხურის მასწავლებელთა სასკოლო თანამშრომლობის კულტურა, მათი ერთმანეთისადმი საქმიანი დამოკიდებულება ერთობლივ მატრიცებზე მუშაობის პროცესში, რაც, საბოლოოდ, წაადგა სასკოლო კურიკულუმის შექმნისა და ჩამოყალიბების საქმეს. დაწყებითი საფეხურის მასწავლებელთა ძალისხმევით, ამალდა მშობელთა ინფორმირებულობის დონე. მათ უკვე გაიზარდა და გაითავისეს „ახალი სკოლის მოდელი“ მოთხოვნები და მიზნები. მასწავლებელთა დახმარებით, გაანალიზეს ის მნიშვნელოვანი გრძელვადიანი შედეგები, რომლებიც დადგება მათი შვილების სწავლა-სწავლების პროცესში და სასიხარულოა, რომ ისინი მხარს უჭერენ ამ საინტერესო და პოზიტიურ სიახლეს.

2019-2020 სასწავლო წლის პირველი სემესტრის დასაწყისიდანვე, პედაგოგები მუხლჩაუხრელად შრომობენ და ცდილობენ „ახალი სკოლის მოდელი“ მდგრადი ატმოსფერო გაცნობიერებულად დაამკვიდრონ საკლასო ოთახებში.

წინა წლებში ჯიბრაიდის პროექტში მონაწილე პედაგოგებისათვის მრავალფეროვანი და სახალისო აქტივობები უცხო სულაც არ იყო, მაგრამ ამჯერად ორიენტირი არა აქტივობები, არამედ კომპლექსური დავალება – პროდუქტია, რომელიც სხვადასხვა ფორმით უკვე ამშვენებს საკლასო ოთახების კარაფებს, კედლებს, სასწავლო მაგიდებსა და კუთხეებს.

საკლასო ოთახების კედლებზე თვალსაჩინოდ იკვეთება სხვადასხვა საგნობრივი მატრიცების მთავარი სამიზნე ცნებები, კომპლექსური დავალებების ბანკის გამოყენები და სალარო-ზარდახშიც კი. ეს ვიზუალური საგამოფენო მასალა უკვე არა მხოლოდ ოთახების სივრცეებს ამშვენებს, არამედ მოსწავლეთა ცნობიერებისა და ყოველდღიური ცხოვრების განუყოფელი ნაწილი ხდება. სწორედ ესაა ყველაზე მთავარი და აღსანიშნავი: რას გრძობს მოსწავლე, როგორ ვითარდება, ეცემა თუ არა პასუხი მის შეკითხვებს, კმაყოფილება თუ არა მისი ინტერესები და ხდება თუ არა მათი მკვიდრი, ინტერპრეტაციული და შემოქმედებითი, რეალისტი და ტრანსფერული უნარების მქონე... ამ და კიდევ ბევრ სხვა ინტერესთა სფეროში მოგზაურობს „ახალი სკოლის მოდელი“ მონაწილე ყოველი მოზარდი სხვადასხვა საგნის მიხედვით და აღწერს თავის თავგადასავალს, სვამს კითხვებს და პასუხსაც სცემს, აფასებს, აანალიზებს და დასკვნებიც გამოაქვს, რაც პირდაპირი გზავნილია იმის სამაჟნყებლოდ, როგორ ამოქმედდა მისი „შინაგანი სამაქროები“, რამდენად ეფექტიანი გახდა თავად.


რაც ყველაზე უფრო სასიხარულოა, თვალსაჩინოა, როგორ ინტეგრირდება ამ საოცრად მხიარულ, ხალისიან და ფერად სამყაროში შემოსული სპეციალური საჭიროების მქონე ჩვენი ყველა მოსწავლე და როგორ ქმნის კომპლექსურ დავალებას – პროდუქტს, რომელზეც თავადვე საუბრობს.

თანდათან ჩვენს სკოლაში ინერგება პრაქტიკა – ახალი საგნობრივი საკითხის შესწავლამდე თითოეულმა მოსწავლემ ზუსტად იცოდეს, თუ რა კომპლექსურ დავალებას შექმნის მასწავლებლის მიერ შეთავაზებული მასალის შესწავლის საფუძველზე. ხოლო როცა კლასის წინაშე თავის შექმნილ კომპლექსურ დავალებას წარმოადგენს, ჰქონდეს წარმატებულობისა და ბედნიერების განცდა, რომ მისი ნააზრევი საინტერესო და მნიშვნელოვანია.

სასიხარულოა ასევე, რომ მასწავლებლები, მატრიცების შექმნით, სასწავლო პროცესს გეგმავენ გრძელვადიან მიზნებზე ორიენტირებით, თემების საშუალებით და ცდილობენ განსაზღვრონ, თუ რა კომპლექსური დავალების შესრულება მართებთ მოსწავლეებს და მხოლოდ ამის შემდეგ გეგმავენ საკლასო აქტივობებს.

საბოლოო შედეგი კი სასკოლო კურიკულუმი, რომელიც სკოლის თითოეული წევრის ორიგინალური შემოქმედებითი პროდუქტია და, ამავე დროს, სკოლის უნიკალურობასა და ინდივიდუალურ სახეს წარმოაჩენს. „ახალი სკოლის მოდელი“ მონაწილე თითოეულმა მასწავლებელმა ხომ თავისი წვლილი შეიტანა, ინტენსიური თანამშრომლობით, სასკოლო კურიკულუმის შევსება-განვითარების მიმართულებით.

განათლების, მეცნიერების, კულტურისა და სპორტის სამინისტრომ, ფაქტობრივად, ხორცი შესახა იმ იდეას, რომელსაც საგაკვეთილო სივრცეში თავისუფალი მასწავლებლისა და მოსწავლის თანამშრომლობა ჰქვია კონსტ-



რუქტივისტული პრინციპების საფუძველზე. ამიტომ, ჩვენი სკოლა სწორედ ამ რგოლს მოიზარებს უმთავრეს მხარდაჭერად და მეგობრად. მით უფრო, რომ სკოლაში ეტაპობრივად გვსტუმრობენ პროექტის ხელმძღვანელები, გვაკვალიანებენ და გვეზმარებიან.

ამის დასტურია თუნდაც ის კვლევაც, რომელიც სკოლებს საკუთარი პროფილის ჩამოყალიბებაში ეხმარება და რეალურად აფასებს მოსწავლეთა დაწყებითი საფეხურის აკადემიური შედეგების ძლიერ და სუსტ მხარეებს. ვფიქრობთ, მომავალი სასწავლო წლისათვის, ჩვენი სკოლის დაწყებითი საფეხურის პედაგოგთა შრომა „ახალი სკოლის მოდელი“ ფარგლებში, მოსწავლეების კიდევ უფრო დიდი წარმატების საწინდარი გახდება.

არ შეიძლება, არ აღინიშნოს ასევე ინტეგრირებული საგაკვეთილო პრაქტიკის გააქტიურების აუცილებლობისა და პრიორიტეტული თემატიკის მატრიცებში განერისა და განხორციელების საკითხები, რაც ჩვენი მუშაობის ახალი ფაზაა და ვფიქრობთ, მხარდაჭერთა გუნდის ძალისხმევით წარმატებულად განხორციელდება.

მე და ჩვენს სასკოლო გუნდს მიგვაჩნია, რომ „ახალი სკოლის მოდელი“ რეალური ძალა და შედეგები თანდათან უფრო და უფრო წარმოჩნდება... წინ კიდევ ბევრი საინტერესო გამოწვევაა, ამ მოდელის მიმართულებით. ის საინტერესო სტარტი, რომელიც ქვეყნის განათლების სისტემამ ამ თვალსაზრისით აიღო, უსათუოდ გამოიღებს თავის უმნიშვნელოვანეს ნაყოფს.

ჯეიკონა კოლუაშვილი
სსიპ ავთანდილ დეკანოზის სახელობის ქალაქ ქუთაისის №32 საჯარო სკოლის დირექტორი



სასწავლო-საგანმანათლებლო პროგრამა, როგორც სკოლის განვითარების კონსეფსია

ყველა ზოგადსაგანმანათლებლო დაწესებულება ვალდებულია შეიმუშაოს საკუთარი სასკოლო სასწავლო გეგმა, რომელიც ეფუძნება ეროვნულ სასწავლო გეგმას. სასკოლო სასწავლო გეგმის ერთ-ერთი დანიშნულებაა სასკოლო-სასწავლო ღონისძიებების დაგეგმვა.

სასკოლო-საგანმანათლებლო ღონისძიებებისა და სკოლის სამოქმედო გეგმის შედგენისას აუცილებელია მნიშვნელოვანია სკოლის პრიორიტეტების გათვალისწინება.

2019-2020 სასწავლო წლის დასაწყისში, სსიპ გალაკტიონ ტაბიძის სახელობის ქალაქ თბილისის №51 საჯარო სკოლაში, სამი მენტორი პედაგოგის – **ლუიზა ლომჯარიას, მაია ლომიშვილის, თამარ კალაძის** სკოლის დირექციასთან თანამშრომლობით, ჩატარდა სკოლის საჭიროებების, მოსწავლეთა და მასწავლებელთა ინტერესების კვლევა. აღსანიშნავია, რომ ჩვენი სკოლის მენტორ პედაგოგს, ქალბატონ ლუიზა ლომჯარიას, რომელიც 40 წელზე მეტია ერთგულად ემსახურება მომავალი თაობის აღზრდის უკეთესობისთვის საქმეს, მიენიჭა საქართველოს დამსახურებული მასწავლებლის წოდება. მასწავლებლის პროფესიისა და საქმიანობის დაფასება უფრო მეტ სტიმულს მატებს ყველა პედაგოგს. ქალბატონმა ლუიზამ ჩვეული გულმოდგინებით უხელმძღვანელა სამეცნიერო და პრაქტიკული კვლევის ყველა ეტაპს.

კვლევის შედეგებზე დაყრდნობით და საგნობრივი კათედრების ხელმძღვანელებთან კოორდინაციით, გამოიკვეთა სკოლის მთავარი გამოწვევა, გამოიკვეთა სფერო, რომელიც მოითხოვდა ორგანიზებულ მუშაობას აქტუალური საკითხების გადასაწყვეტად. მასწავლებელთა და მოსწავლეთა ინტერესების გათვალისწინებით. სკოლამ შეიმუშავა სამოქმედო გეგმა, რომლის მთავარი მიზანი გახდა სოციალური ფორმატით წარმოდგენილი ნებისმიერი სახის ურთიერთობის გაჯანსაღება, მოსწავლეთა სამოქალაქო ცნობიერების ამაღლება.

ასე შეიქმნა საგანმანათლებლო-შემოქმედებითი პროგრამა სახელწოდებით: „სოციალური ურთიერთობებისა და სამოქალაქო განათლების ფორუმი“. ფორუმის სიმბოლოდ შევარჩიეთ სკოლის ლოგო და ანტიკური ხელოვნებიდან რომის ფორუმის ვიზუალური გამოსახულება, როგორც კავშირი ცნობიერების განვითარების უწყვეტი პროცესისა, ანტიკური პერიოდის დაწყებული თანამედროვეობის მოთხოვნების გათვალისწინებით და მომავალზე ორიენტირებული გეგმებით. სწორედ ამ მიზნის გარშემო გაერთიანდა მთელი სკოლა, ყველა კათედრა. საგნობრივი პროგრამის შინაარსის გათვალისწინებით, მთავარი ფუნქცია საზოგადოებრივი მეცნიერებების კათედრამ იტვირთა, ხოლო ზოგადი განათლების ეროვნული მიზნებიდან გამომდინარე, გამჭოლი კომპეტენციების დაუფლების გათვალისწინებით, ყველა კათედრა აქტიურად ჩაერთო, რადგან საგანთაშორისი კავშირების დამყარება, ცოდნისა და გამოცდილების სხვადასხვა შინაარსობრივ კონტექსტში გადატანა, სოციალური და სამოქალაქო კომპეტენციის განვითარება ყველა საგნის სტანდარტის სწავლა-სწავლების უმთავრესი მიზანია.

საგანმანათლებლო პროგრამის ფარგლებში, განხორციელდა სხვადასხვა ტიპის ღონისძიება, სასწავლო პროექტი, ჩატარდა კონფერენციები და თემატური შეხვედრები ჩვენს პარტნიორ ორგანიზაციებთან.

ფორუმის ფარგლებში განხორციელებული აქტივობები შეიძლება დავეყთ ორ მთავარ ჯგუფად:

1. ტრენინგები და სემინარები მასწავლებლებისთვის, მოსწავლეებისთვის და მშობლებისთვის;
2. მოსწავლეთა მიერ განხორციელებული პროექტები და ღონისძიებები;
3. საგანმანათლებლო პროგრამის ფარგლებში ტრენინგები და სემინარები წარმართა 3 მიმართულებით:

პირველი: სემინარი პედაგოგებისა და მოსწავლეებისთვის
თემა: „ბავშვის უფლება-მოვალეობები, პრობლემები და გადაჭრის გზები“
პარტნიორი ორგანიზაცია – საქართველოს სახალხო დამცველის ბავშვის უფლებათა დეპარტამენტი (ხელმძღვანელი – **მაია გედევანიშვილი**).

ქალბატონი მაია შეხვდა სკოლის თვითმმართველებს და ესაუბრა ისეთ თემებზე, როგორცაა ბავშვის უფლებათა კონვენცია, ბავშვის საყოველთაოდ აღიარებული უფლებებისა და

თავისუფლების განხორციელების მონიტორინგი, დარღვევებზე რეაგირების საშუალებები და რეკომენდაციები.

სახალხო დამცველის ბავშვის უფლებათა დეპარტამენტმა სკოლას უსახსვორა საინტერესო ლიტერატურა. კლასის თვითმმართველებმა, სემინარზე მიღებული ცოდნის, ინფორმაციისა და ლიტერატურის შესახებ მეგობრებისა და თანაკლასელების ინფორმირების ვალდებულება იკისრეს. ეს პროცესი დაწყებულია და გაგრძელდება, რათა ყოველი კონკრეტული შეხვედრის თემა ცნობილი გახდეს ყველა მოსწავლისთვის.

მეორე: ინკლუზიური განათლების ხელშეწყობის პროგრამა
რაც შეეხება სკოლაში ინკლუზიური განათლების ეფექტურ დაწესებას, ამ მიმართულებით ჩვენ ვიღებთ ძალიან საინტერესო და მნიშვნელოვან ინფორმაციას, დამხმარე მასალებსა და რეკომენდაციებს საქართველოს განათლების, მეცნიერების, კულტურისა და სპორტის სამინისტროს ზოგადი განათლების დეპარტამენტიდან, ძველი თბილისის რაიონის საგანმანათლებლო რესურსცენტრიდან. რეკომენდაციები ეხება ისეთ სტრატეგიულ პრიორიტეტებს, როგორებიცაა ინკლუზიური განათლების სისტემური გაძლიერება, ინკლუზიური განათლების მიდგომების მეთოდოლოგიისა და მომსახურების განვითარება, ინკლუზიური განათლებაში ჩართული ადამიანური რესურსების პროფესიული განვითარება.

ამ მიმართულებით მნიშვნელოვანი სიახლე გვაქვს. სკოლაში გაიხსნა ახალი რესურსთაბა, შესაბამისი ინვენტარითა და საჭირო სასწავლო რესურსით. აქვე ჩვენი მოსწავლეების მიერ შესრულებული ნამუშევრების გამოფენა.

№51 სკოლა, მეორიდან ფარგლებში, თანამშრომლობს ორგანიზაციასთან **MAG GEORGIA** (ხელმძღვანელი – **მაია ბაგრატიონი**). დაიწყო ტრენინგების საინტერესო კურსი დიფერენცირებული სწავლებისა და ინკლუზიური განათლების შესახებ, რომელიც განსაკუთრებულად მოეწონათ ჩვენს პედაგოგებს.

მესამე: ტრენინგები მშობლებისა და მასწავლებლებისთვის
თემა: „სკოლაში მშობელთა ჩართულობის გაზრდა“
პარტნიორი ორგანიზაცია – „მშობლების განათლებისთვის“ (ხელმძღვანელი – **მეგი კავთაშვილი**).

ტრენინგებზე ინტერაქტიულ რეჟიმში მიმდინარეობდა მსჯელობა, ისეთი საკითხების განხილვა, როგორებიცაა: მშობელთა ჩართულობის მექანიზმები და საუკეთესო პრაქტიკა, მოხალისეობა შვილის სკოლაში, ეფექტური კომუნიკაცია ყველა ტიპის პერსონასთან და სხვა.

სამოქალაქო ცნობიერების ამაღლება, სოციალური ურთიერთობების პრინციპების შესწავლა აქტიურად მიმდინარეობს საზოგადოებრივ მეცნიერებათა ჯგუფის საგნების მიხედვით. ეს ძალიან საინტერესო პროცესი იწყება მე-4 კლასიდან, საგნით „მე და საზოგადოება“. საგანმანათლებლო-შემოქმედებითი ფორუმის ფარგლებში, მე-4 კლასის მოსწავლეებმა პედაგოგ **განცა მეტრეველთან** ერთად განხორციელეს პროექტი „მინი-მუზეუმი სკოლაში“. პროექტის ფარგლებში მოსწავლეები ესტუმრნენ სხვადასხვა მუზეუმს, თავად დაამზადეს ექსპონატებისა და ხელოვნების ნიმუშების ასლები, მოაწყვეს სასკოლო გამოფენა, მოირგეს გიდის როლი და უმასპინძლეს დამთვალიერებლებს.

მე-5 და მე-6 კლასებში ისწავლება საგანი – ჩემი საქართველო. ამ საგნის სახელმძღვანელოს მასწავლებლის ნიგნისა და მოსწავლის რეულის ავტორია №51 საჯარო სკოლის საზოგადოებრივ მეცნიერებათა კათედრის ხელმძღვანელი **ანა კუპრავა-გოგოლაძე**. პედაგოგმა მე-6 კლასის მოსწავლეებს შორის ჩაატარა კონკურსი „იციოდე კანონი და იყავი დაცული“. კონკურსის მიზანი იყო მოსწავლეები გაცნობოდნენ საქართველოს კანონმდებლობის ზოგადი, მათი ასაკისთვის აქტუალურ საკითხებს, მიესადაგებინათ კონკრეტული მუხლებისთვის რეალური, ცხოვრებისეული სიტუაციები, ემსჯელათ მათ შესახებ და დაენერათ შესაბამისი რეკომენდაციები. ინტელექტუალური კონკურსი დიდი ინტერესით და აქტიურობით ჩატარდა.

2019-2020 სასწავლო წელს, ეროვნული გეგმის მიხედვით, მე-7 კლასში დაემატა ახალი საგანი – „მოქალაქეობა“. ამ საგნის წარმატებით დაწესების მიზნით, სკოლაში მოვიწვიეთ სახელმძღვანელოს ავტორი **ეკა სიმსივე**. ქალბატონმა ეკამ ჩაატარა მასტერკლასები პედაგოგებისთვის და შეხვედრები მე-7 კლასის მოსწავლეებთან. ჩვენს სკოლაში არსებობს ტრა-

დიცია – ბავშვები ხშირად ხვდებიან სხვადასხვა საგნის სახელმძღვანელოს ავტორებს, რაც მათთვის განსაკუთრებით საინტერესო და სტიმულის მიმცემია.

ფორუმის ფარგლებში, მე-7 კლასის მოსწავლეებს შორის ჩატარდა ესეების კონკურსი თემაზე: „მე ვარ აქტიური მოქალაქე“. კონკურსის მიზანი იყო გაეცნობინებინათ მოზარდებს, თუ რას გულისხმობს აქტიური მოქალაქეობა და სამოქალაქო საზოგადოება, გაცნობოდნენ იმ ღირებულებებსა და ფასეულობებს, რომელთა თანახმადაც ყველა ადამიანი თანასწორია ერთმანეთისა და კანონის წინაშე. კონკურსი გამოირჩეოდა მოსწავლეთა მაღალი ჩართულობით.

„სოციალური ურთიერთობებისა და სამოქალაქო განათლების ფორუმის“ ფარგლებში ჩატარდა საბავშვო საფეხურის მოსწავლეთა კონფერენცია თემაზე „მოქალაქეობა, არსებული რეალობა და ჩემი აქტიურობა პოზიტიური გარემოს დამკვიდრებისთვის“, ხოლო საშუალო საფეხურის მოსწავლეთა კონფერენცია – თემაზე „მე და კონსტიტუცია“. მოსწავლეები წინასწარ გაეცნენ თემის ორიენტირს, შეფასების კრიტერიუმებს, წამოიყვანეს სტრუქტურა, პრეზენტაციის მოთხოვნებს და დამაჯერებლად წარსდგინეს სპეციალური ჟიურის წინაშე. მოსწავლეებმა, თეორიულ საკითხებთან ერთად, ისაუბრეს პრაქტიკულ აქტივობებზეც, რომლებიც განხორციელეს პოზიტიური გარემოს დამკვიდრებისთვის. კერძოდ, წარმოადგინეს ვიდეორგოლი, რომელშიც ასახულია, თუ როგორი სიყვარულითა და თანაგრძნობით უპყრობიან ბავშვები სკოლის თანამშრომლებს, დამლაგებლებს, როგორ ულოცავენ ისინი უფროსებს დამდეგ შობა-ახალ წელს (კლასის რეჟისორები: **ნიკოლოზ შაბუნიშვილი** და **ზიზი ტოგონიძე**).

სასწავლო-საგანმანათლებლო პროგრამის ფარგლებში, საბუნებისმეტყველო მეცნიერებათა კათედრამ განხორციელა პროექტი „ჯანსაღი ცხოვრების ემოცია“ (კათედრის ხელმძღვანელი – **ლია ბერაძე**). პროექტს პარტნიორობა გაუწია სამედიცინო კორპორაცია „ევექსმა“. პროექტის ფარგლებში, დიდი ენთუზიაზმითა და ხალისით გაიმართა კულინარიული დუელი და მოსწავლეთა მიერ დამზადებული ჰიგიენის დაცვის ბროშურების პრეზენტაცია. ჩვენი ფორუმის ფარგლებში გაიმართა საზოგადოებრივ მეცნიერებათა კათედრის მიერ ორგანიზებული იმიტირებული სასამართლო და ინტელექტუალური თამაში „ისტორია სამჯავროზე“. პროექტს პარტნიორობა გაუწია საქართველოს ტექნიკურმა უნივერსიტეტმა (პროექტის ხელმძღვანელი – ისტორიის პედაგოგი **თამარ ჯავახიშვილი**).

№51 საჯარო სკოლის სახელმძღვანელო ენის კათედრამ (ხელმძღვანელი – **მაია ჩხრაძე**), ურთიერთობის უნივერსალურ საშუალებად სამაგიდო თამაშები შეარჩია და მე-9 კლასის გუნდებს შორის წარმატებით ჩატარა „ვეფხისტყაოსნის“ სამადგილო თამაშები. შეჯიბრება აზარტული, საინტერესო და სასარგებლო აღმოჩნდა ყველასთვის. მოსწავლეებმა შეძლეს ლოგიკური აზროვნებისა და გამჭრიახობის გამოვლენა.

„სოციალური ურთიერთობებისა და სამოქალაქო განათლების ფორუმის“ ფარგლებში, მოსწავლეთა თვითმმართველობამ განხორციელა პროექტი „გაეროს კონფერენციის მოლოდინი“. პროექტს მხარდაჭერა გაუწია საქართველოს ახალგაზრდობის ელჩმა გაეროში **თათია დოლიძემ**. პროექტის მიზანი იყო მოსწავლეთა ჩართულობის გაზრდა არაფორმალური განათლების მიმართულებით. ჩვენმა სკოლამ, ასწლიანი ისტორიის განმავლობაში, პირველად უმასპინძლა გაეროს მოდელირების კონფერენციას. მოსწავლეები განანილებულნი იყვნენ ორ კომიტეტში: ბავშვთა უფლებების კომიტეტში, რომელიც განიხილავდა ბავშვების რეინტეგრაციას კონფლიქტურ ქვეყნებში და ადამიანის უფლებების კომიტეტში, რომლის სამუშაო თემა იყო უზრუნველყოფის უსაფრთხოება. საკომიტეტო მუშაობის ახალრების შემდეგ მონაწილეებმა დაწერეს რეზოლუციები, მიაღწიეს კონსენსუსს, მუშაობის შედეგები კი წარუდგინეს გენერალურ ასამბლეას.

ფორუმის ფარგლებში განხორციელდა სახელოვნებო ინსტალაცია „ფერწერული გალაკტიონი“, ღონისძიების ხელმძღვანელები: №51 სკოლის სააღმზრდელო პროგრამების კოორდინატორი **ნანა ვერულაშვილი** და ესთეტიკური აღზრდის ხელმძღვანელი **სოფიკო ბერაია**. პროექტში აქტიურად იყვნენ ჩართულნი სპეცპედაგოგები და სსმ მოსწავლეები. მოსწავლეებმა წარადგინეს გალაკტიონის ლექსების ფერწერული ილუსტრაციები; შესარულეს პოეტის ლექსებზე შექმნილი



სასკოლო აქტივობა

სიმღერები; მხატვრული კითხვის ვირტუალურ შემსრულებელთან, ელდინო სალარაძესთან ერთად წაიკითხეს პოეტის ლექსები. სახელოვნებო ინსტალაციის მონაწილეებმა განახორციელეს საქველმოქმედო აქცია „აჩუქე წიგნი-გააზიარე ემოცია“.

№51 საჯარო სკოლის სასწავლო-საგანმანათლებლო პროგრამის პირველი სემესტრის დასკვნითი ღონისძიება გაიმართა სკოლის საკონფერენციო დარბაზში. ღონისძიებას ესწრებოდნენ: საქართველოს განათლების, მეცნიერების, კულტურისა და სპორტის სამინისტროს სკოლამდელი და ზოგადი განათლების დეპარტამენტის წარმომადგენელი, სამოქალაქო განათლების ექსპერტი შალვა მეკრავიშვილი, საქართველოს პარლამენტის წევრი ვლადიმერ კახაძე, შოთა რუსთაველის სახელობის კინოსა და თეატრის სახელმწიფო უნივერსიტეტის კანცლერი რუსუდან თევზაძე, ძველი თბილისის რაიონის საგანმანათლებლო რესურსცენტრის წარმომადგენელი თამარ კეშელავა, საქართველოს ტექნიკური უნივერსიტეტის პროფესორი შენრი კუპრაშვილი, რადიო „საქართველოს ხმის“ დირექტორი მარიკა ნიკოლოზაშვილი, №51 სკოლის კურსდამთავრებული, მომღერალი ნათია სვანაძე და ჯგუფი „THE QVINTESSENCE“, სსიპ საგანმანათლებლო დაწესებულების მანდატურის სამსახურის დაგეგმარებისა და ანალიზის სამმართველოს უფროსი ალექსანდრე ცინცაძე, სამმართველოს თბილისისა და მცხეთა-მთიანეთის ცენტრის კოორდინატორი ნათია ჯიჯიყიშვილი.

პირველი სემესტრის შემაჯამებელ ღონისძიებაზე მოსწავლეებმა და პედაგოგებმა ფორუმის ფარგლებში განხორციელეს პროექტებსა და აქტივობებზე ისაუბრეს. გაიმართა ევროკავშირის მიერ გადაღებული ვიდეორგოლის პრეზენტაცია, რომელიც დამზადდა ევროკავშირის მიერ ორგანიზებულ, ადამიანის უფლებების ერთკვირიანი კამპანიის ფარგლებში (დაიწყო 10 დეკემბერს, ადამიანის უფლებათა საერთაშორისო დღესთან დაკავშირებით). წლებანდელი კვირეულის სლოგანი იყო „ახალგაზრდები ადამიანის უფლებების დასაცავად“. ვიდეორგოლის სახელწოდებაა „იცოდე შენი უფლებები“ და მასში მონაწილეობენ ჩვენი სკოლის მოსწავლეები. ვიდეორგოლი ემსახურება საზოგადოებაში ადამიანის უფლებების დაცვის მნიშვნელობასა და ცნობადობის ამაღლებას.

ღონისძიების მონაწილეებმა ინტერესით დაათვალიერეს 51-ე სკოლის მოსწავლეების, ნიჭიერი მხატვრების - ანუკი ბუჯიაშვილის, ლუკა პატარქალაშვილისა და დეა ნადიბაძის ნამუშევრების გამოფენა.

სასწავლო-საგანმანათლებლო პროგრამა: „სოციალური ურთიერთობებისა და სამოქალაქო განათლების ფორუმი“.



როგორც სკოლის განვითარების კონცეფცია, გრძელდება! სკოლა მადლობას უხდის ფორუმის ყველა მონაწილეს, პატივცემულ სტუმრებს, პარტნიორ ორგანიზაციებს მხარდაჭერისთვის და მზად არის ახალი პროექტების განხორციელებისთვის, საქმიანი, კულტურული ურთიერთობებისთვის, სახელმწიფო თუ არასამთავრობო ორგანიზაციებთან თანამშრომლობისთვის.

იმედი გვაქვს, რომ სკოლაში განხორციელებული პროექტები ხელს შეუწყობს არსებული გამონვევების დაძლევისა და ჩვენი შვილების, მომავალი თაობის ღირებულებითი სფეროს ფორმირებას.

ნინო ალექსიძე
№51 საჯარო სკოლის დირექტორის მ/შ

სასწავლების სამეფო სცენარი ბიოლოგიის გაკვეთილისთვის

საბუნებისმეტყველო საგნების მიმართ ინტერესმა ბოლო წლებში იკლო, განსაკუთრებით მაღალ კლასებში. ვფიქრობ, ისე უნდა წარმართოთ სასწავლო პროცესი, რომ სწავლა-სწავლება სახალისო და საინტერესო გახდეს. ვასწავლოთ მოსწავლეებს, როგორ უნდა ისწავლოს და ის თავად გახდეს შემოქმედი.

წარმოგიდგინთ სცენარს გაკვეთილისთვის „სასწავლების სამეფო“, რომელიც წარმოადგენს შემაჯამებელ გაკვეთილს, გამოყენებულია მეთოდი - როლური თამაში. სცენარი მეთოდი კლასის მოსწავლეებმა დაწერეს ბიოლოგიის გაკვეთილებზე. როცა ვსაუბრობდი ლეიკოციტებზე, როგორც ჩვენი ორგანიზმის მცველებზე და ისინი ჯარისკაცებს შევადარე, რომლებიც ჩვენ გამო წირავენ თავს, ერთ-ერთმა მოსწავლემ გამოთქვა მოსაზრება სცენარის დაწერის შესახებ, რასაც მხარი აუბა მთელმა კლასმა. იდეის ავტორთან ერთად, მოსწავლეებმა სცენარზე ხალისით დაიწყეს მუშაობა. მათ წარმოგიდგინეს XIX საუკუნის სამეფო კარი, სადაც სამეფო ადამიანის ორგანიზმი, მოქმედი გმირები კი - ადამიანის ორგანოები: გული - დედოფალი, თავის ტვინი - მეფე, ჯირკვლები - სასახლის ქალაქები, ნეირონები - მეფის მალემსწროლები, ლეიდი - მთავარი ვეზირი, ნაწლავები - ლაბირინთი, კუჭი - უძირო ქვევრი, ერთორციტები - ეტილი, ლეიკოციტები - ჯარისკაცები, სისხლი - უკვდავების წყარო, თრომბოციტები - უკვდავების წყაროს მცველები, ლიმფოციტი - ქილერები, ჩონჩხი და კუნთები - ციხესიმაგრე, კანი - გალვანი, ელენთა - მეჭურჭლეთუხუცესი, ფილტვი - სასახლის კარიბჭე, ცხვირი, თვალი, ყური, ენა - მოაბებები (მიკრიკები), ზერხემალი - საყრდენი, თირკმელი -

ბი - სასახლის დასტაქარი, შარდის ბუშტი - დიასახლისი, სისხლძარღვები - მთის და ბარის ბილიკები, მიკრობები - მტერი. ვთავაზობთ მცირე ამონარიდს სცენარიდან: „მთხრობელი: კეთილი იყოს თქვენი მობრძანება ჩვენს სამეფოში მეგობრებო! დედოფალი მობრძანდება! ფუსფუსა, მშრომელი, ძლიერი, სიყვარულის და სილამაზის სიმბოლო, ასეთია ჩვენი დედოფალი. არ მიეცემთ უფლებას გაბოროტდეს და ჰიპერტენზიამ შეაწუხო. მხოლოდ ოთხი პატარა ოთახი უჭირავს უზარმაზარ სამეფოში, მოკრძალებულია და მეტს არ ითხოვს. ბრძანებების გაცემას მარჯვენა წინაგულიდან იწყებს, მარჯვენა პარკუჭს და მწვერვალს გადასცემს, იკუმშება და უშურველად გასცემს უკვდავების წყაროს სამეფოში. მისი დახმარებით მოგზაურობს სიცოცხლის წყარო მთის და ბარის ფართო და მიუვალ ბილიკებზე, ყველგან მიაქვს ხალისი და ენერჯია. დედოფალი: მე გული ვარ, სათუთი, ძლიერიც, სიყვარულით სავსე... თუ არ მოუვარე ჩემს განივ ბოლიან კუნთს, თუ არ გამოგვკვებ კორონალური სისხლძარღვებით, ვერ ვიშრომებ. ცხოვრების ნახევარს შრომაში ვატარებ, ნახევარს კი ვისვენებ. უფრო მეტს ვიშრომებდი, მაგრამ დასვენებაც მჭირდება, რადგან სამეფოს უფრო მეტი წლები უნდა ვემსახურო. სისხლი: მე წყარო ვარ, სანამ ჩემი შედგენილობა უნიკალურია, უკვდავებით ვაჯილდოებ სამეფოს. ხშირად მამონებენ, ანალიზს მიკეთებენ, ჩემი შედგენილობა არ შეიცვალოს, მე ვარ სამეფოს უსაფრთხოების და იმუნიტეტის გარანტი.“ სცენარში კარგად ჩანს თითოეული ორგანოს - ადამიანის



ცალკეული ნაწილების როლი ორგანიზმის მთლიანობისთვის. მოსწავლეებმა სცენარი წარმოადგინეს სპეციალური კოსტიუმებით, გაამხატვრულეს, გაალამაზეს ქართული ცეკვებით და სიმღერებით.

გაკვეთილმა მიზანს მიაღწია, მოსწავლეებმა კიდევ უფრო კარგად შეისწავლეს საკუთარი ანატომიური აგებულება ისე, რომ ეს პროცესი მოსაწყენი და დამოკიდებული არ ყოფილა. მათი თვითმეფასებიდან გამოიკვითა, რომ დაინახეს ბიოლოგია და ხელოვნება ერთად, საოცარი შედარებებით, ასევე, ბიოლოგია ქართულ ენა-ლიტერატურასთან კავშირში. ურთულესი მეცნიერება მარტივი თვალთ დაინახეს, ორგანიზმი აღიქვას, როგორც სამეფო, სადაც სასწავლები ხდება.

მანანა ლემსაძე
ქობულეთის მუნიციპალიტეტის სოფელ ჩაისუბნის №2 საჯარო სკოლის ბიოლოგიის წამყვანი მასწავლებელი



ინფორმაცია

დეპრესია ბავშვებში – სივილიზაციის დაავადება

დეპრესია ბავშვებში ერთ-ერთი მნიშვნელოვანი და საყურადღებო საკითხია. „დეპრესია“ ლათინური სიტყვაა და ქართულად დათრგუნულ ნიშნავს. როდესაც ადამიანი რაღაც სულიერ ან ფიზიკურ ტრავმას გადაიტანს, ამას შედეგად მოსდევს დეპრესია. შეიძლება მუდმივი სტრესისა და დაძაბულობის შედეგად იყოს, და მინც, მარტივად რომ ავსხნათ, რა არის დეპრესია? ზოგს უბრალოდ უხასიათობა ჰგონია და ახლობელს, რომელიც სიცოცხლეში მონანიღობის ძალას კარგავს, ადექი, ნუ ზარმაცობ, თავი ხელში აიყვანო, ეუბნება. დეპრესია ცივილიზაციის დაავადებაა. ვინაიდან ადამიანს გაზრდილი მოთხოვნილებები აქვს და მათ დაკმაყოფილებას ვერ ახერხებს, ეს იწვევს დეპრესიას. დეპრესია არა მარტო ზრდასრულ ადამიანებს, არამედ ბავშვებსაც შეიძლება ჰქონდეთ. თუმცა ამ შემთხვევას უფროსები ხშირად „უზრდელობას“, „ასისულელს“ ან „გამოხტომებს“ უწოდებენ. მშობლები იმასაც ამბობენ, რომ მათი შვილები არც თუ ისე იმპიათად „გაბუტულის როლს ირგებენ“. საქმე ის არის, რომ ბავშვებისა და ზრდასრულების დეპრესიის სიმპტომები ერთმანეთისგან განსხვავდება. სწორედ ამიტომ, თუ უფროსი ასაკის ადამიანების დეპრესიის დიაგნოსტიკა მეტ-ნაკლებად არაპროფილირებულ სპეციალისტებს ან ახლობლებსაც კი შეუძლიათ, ბავშვების შემთხვევაში ეს გაცილებით რთული პროცესია.

რატომ ემართება ბავშვებს დეპრესია?
ბავშვებში დეპრესიის ერთ-ერთი ყველაზე ხშირი მაპროვოცირებელი ფაქტორია ძალადობა. ეს შეიძლება იყოს სკოლაში ჩაგვრა ან სხვა ჯგუფური თუ ოჯახური ძალადობა. ოჯახურ ძალადობაში იგულისხმება არა მარტო ფიზიკური ზეწოლა, არამედ დამცირება, დაცინვა, ემოციის გამოხატვის აკრძალვა და სხვ. ეს არის ფსიქოლოგიური და ემოციური ძალადობის ფორმები, რომლებიც ბავშვის ფსიქიკაზე გამოუსწორებელ გავლენას ახდენს. თუმცა, არსებობს ძალადობის სხვა ფორმებიც. ოჯახში, სადაც ძალაუფლების დისბალანსია, ბავშვი ამ სიტუაციის ტყვეობაში ექცევა. ძალადობის მონმეს, შიშისა და განგაშის შეგრძნების პარალელურად, ეუფლება შეგრძნებები, რომლებსაც არაპირდაპირი მსხვერპლი განიცდის. უფრო მეტიც, ძალიან ხშირად ოჯახში მიმდინარე მოვლენებში ბავშვი საკუთარ თავს მიიჩნევს დამნაშავედ და ეს მის მდგომარეობას კიდევ უფრო ამძიმებს.

ტექნოლოგიების მიღწევებმა – კომპიუტერიზაციამ და ინტერნეტმა გააერთიანა და, ამასთან, საკმაოდ შეავსოვს მთელი სამყარო; ბერისთვის ის კომპიუტერის მონიტორთან მთავრდება, რაც ძალიან ცუდად აისახება ურთიერთობის უნარსა და ემოციურ თავისებურებებზე. დეპრესია, ასევე, შეიძლება განვითარდეს მძიმე ავადმყოფობის ან ახლობელი ადამიანების გარდაცვალების შედეგად გამოწვეული ქრონიკული ან მწვავე სტრესების ზემოქმედებით. ასევე, შეიძლება აღმოცენდეს სრული სოციალური და ფიზიკური კეთილდღეობის ფონზეც, რასაც თავის ტვინში ბიოქიმიური პროცესების მიმდინარეობის დარღვევას უკავშირებენ; დეპრესიის განვითარების მიზეზი შეიძლება გახდეს, ასევე, იდეალებისა და ილუზიების მსხვერვა, უძლეობის და უსუსურობის გრძობა სირთულეებთან შეხვედრისას, ფსიქიკური ტრავმა, გადაღლა, კვების რეჟიმის დარღვევა.

- ბავშვებში დეპრესიის სიმპტომები:**
- მოდრაობის დაქვეითება**, რაც გამოიხატება მოძრაობის სურვილის უქონლობით. ასეთი ბავშვები ან მუდმივად ერთ პოზაში სხედან, ან წვანან. ფიზიკური მოქმედება არანაირ ინტერესს არ იწვევს მათში.
- გუნება-განწყობის და ხასიათის შეცვლა.** დღის განმავლობაში გუნება-განწყობის დაქვეითება არათანაბარზომიერად მიმდინარეობს – დღის საათებში ბავშვი მხიარული, ხალისიანი, საკმაოდ სიამოვნებით მიდის სკოლაში. შემდეგ განწყობა თანდათან ქვეითდება და საღამოსთვის უკვე პიკს აღწევს. ბავშვს არაფერი ახარებს, არაფერი აინტერესებს, ანუხებს თავის ტკივილი, ხანდახან სხეულის ტემპერატურაც მატულობს. უჩივის მუდმივ პრობლემებს სკოლაში, კონფლიქტებს მოსწავლეებთან და მასწავლებლებთან. კარგადაც უარყოფთს ხედვებს.

- შენელებული აზროვნება.** მისი დაქვეითება შეიძლება, ასევე, დეპრესიაზე მიუთითებდეს. ასეთ დროს ბავშვს პრობლემები ექმნება დასმულ შეკითხვებზე პასუხის გაცემისას; ხშირად პასუხობს მხოლოდ თავის ერთი დაქვეითი ან საუბრობს ჩუმად, წყნარად. შეიმჩნევა ერთ, უარყოფითი ელფერით შეფერადებული აზრზე „ჩაიცვიკლა“: „მე ყველაფერი ცუდად მაქვს“ ან „მე არავის ვუყვარვარ“; ანუხებს უძილობა, ცოტა სძინავს. ერთ აზრზე „ჩაიცვიკლა“ ჩაძინების პროცესს უშლის ხელს. ძილი შფოთიანი აქვს, ზედაპირული და საშუალებას არ აძლევს ორგანიზმს, სრულყოფილად დაისვენოს; დეპრესიულ მდგომარეობაში მყოფ ბავშვს ეკარგება მადა, უარს ამბობს საკვებზე, ხანდახან რამდენიმე დღე არაფერს ჭამს; მოზარდებში ჩნდება თვითმკვლელობასთან დაკავშირებული აზრები, ამზადებენ მოქმედების გეგმას, ქმნიან ამ გეგმის სხვადასხვა ვარიანტს. დეპრესიის დროს ქვეითდება ბავშვის სოციალური აქტივობა, იკარგება ინტერესი მეგობრებისადმი, თამაშისადმი, სწავლისა და ადრინდელი გატაცებებისადმი; ბავშვი ხდება გულგრილი ყველამდე. მაგალითად, დეპრესიის მქონე 5 წლის ბავშვი და 15 წლის მოზარდი, როგორც წესი, აბსოლუტურად განსხვავებულად იქცევიან. ასევე, მნიშვნელოვანია გახსოვდეთ, რომ მცირეწლოვანი ბავშვი თავის გრძობებსა თუ ემოციებს უსუსტად ვერ აღწერს და არც დანყებით კლასის ყველა მოსწავლეს აქვს უნარი, თავისი განწყობის შესახებ სწორად ილაპარაკოს. რაც უფრო პატარაა ბავშვი, ტრადიციული გაგებით, ის ნაკლებ „დეპრესიული“ იქნება გარეგნულად. სწორედ ამიტომ ძალიან მარტივია საბავშვო დეპრესია და სხვა სახის ქვეითი დარღვევა ერთმანეთში აგერიოთ (მაგალითად, ყურადღების დეფიციტის სინდრომი). ბავშვის დეპრესიული მდგომარეობის ძალიან მნიშვნელოვანი და მძიმე გამოხატულებაა სუიციდური აზრები, ამის შესახებ ხმამაღალი განცხადებები და თვითდაზიანება. ეს სიმპტომები 12 წლამდე ასაკობრივ კატეგორიაშიც გვხვდება, ამიტომ უნდა გვახსოვდეს, რომ ბავშვის ნებისმიერი სუიციდური განცხადება დიდ ყურადღებას მოითხოვს, მაშინაც კი, როდესაც მსგავსი ქცევა თქვენ, როგორც მშობელს, „მანიპულატორულად“ გეჩვენებათ. „უმჯობესია, საერთოდ არ ვიყო!“, „ნეტავ ყველაფერი დასრულდეს!“, „ამ ყველაფერს დიდი სიამოვნებით დავასრულებდი!“ – ეს ის ფრაზებია, რომლებიც მშობელმა უყურადღებოდ არ უნდა დაატოვოს. სუიციდური ქცევა დეპრესიასთან რომ მჭიდროდ არის დაკავშირებული, ამაზე დღეს უკვე არავინ დავობს.
- ბავშვი გაღიზიანებულია**, თქვენ მას შეამჩნიეთ აგრესიული ქცევა, უმნიშვნელო მიზეზის გამო ტირის ან გულგატეხილია;
- შენელება იმ წრეზე სიარული**, რომელიც ძალიან უყვარდა ან აღარ ხვდება იმ მეგობრებს, რომლებთანაც ხდებოდა სიამოვნებით ატარებდა. სხვა სიტყვებით რომ ვთქვათ, ძველი ინტერესები დაკარგა;
- ბავშვს გაუჩნდა ფიზიკური სიმპტომები:** მუცლის ტკივილი, გულსრევა, თავის ტკივილი, გადაღლილობა;
- ძილთან დაკავშირებით პრობლემები** დაეწყო: გვიან იძინებს, ღამე ხშირად ეღვიძება ან დილით წუწუნებს, რომ ისეთი შეგრძნება აქვს, თითქოს საერთოდ არ უძინია;
- მადა დაკარგა ან პირიქით**, უზომოდ ბევრს ჭამს;
- დაკარგა კონცენტრაციის უნარი;**
- ბავშვი ცოტას მოძრაობს ან პირიქით**, ჰიპერაქტიური გახდა;

სკორტი

ყვითელაშვილმა, მოკლე პროგრამაში, კარგად ისარგებლა მეტოქეთა მიერ დაშვებული შეცდომებით – ბევრი აღიარებული ფაქტორიტი მიყოლებით ენარცხებოდა ყინულს, თუმცა სასტარტო მღელვარება მასაც ეტყობოდა – ბოლო ნახტომზე, ოთხმაგი ტულუპის შესრულებისას, თვითონაც დაეცა, მაგრამ 82,77 ქულით მეოთხე ადგილზე მაინც გავიდა და თავისუფალ პროგრამაში გაბოსვლის უფლება მიიღო, იქ კი ბევრად უფრო დახვეწილად და თავისუფლად ისრიალა, რამაც მესამე ადგილი მოუპოვა. ორჭიდი 246.71 ქულა დააგროვა, რაც, ასევე, მესამე ჯამური შედეგი აღმოჩნდა. აღსანიშნავია, რომ ამ დისციპლინაში ევროპის ჩემპიონატის მედლები ამიერკავკასიელებმა მოიპოვეს, თუმცა ოქრო-ვერცხლის მედლები, შესაბამისად, დიმიტრი ალიევი და არტურ დანიელიანი რუსეთის ფედერაციის წარმომადგენლები. არადა, რომ არა ის დასაინანი შეცდომა, მოკლე პროგრამის ბოლოს, ყვითელაშვილს ვერცხლის მედლის მოპოვებაც თავისუფლად შეეძლო, რადგან ორჭიდი სულ რაღაც 0.03 ქულით ჩამორჩა დანიელიანს.

თავისუფალ პროგრამაში გამოსვლის უფლება მოიპოვა მისიურაძემაც, თუმცა, საბოლოოდ, უმედლოდ დარჩა. რაც შეეხებათ ჩვენს დანარჩენ მონაწილეებს, აღინა ურუშაძე პირველად გამოვიდა უფროსებში და, 37 მოციგურავეს შორის, არცთუ ურიგო – მე-15 ადგილზე დაასრულა ასპარეზობა. ასევე მე-15 პოზიციაზე გავიდა კახაკოვა-რევიას წყვილიც, 27 დუეტს შორის – ამ რანგის შეჯიბრებაზე უფროსებში მათაც დებიუტი ჰქონდათ. ამასთან, ვაჟებში, ყვითელაშვილისა და მისიურაძის ჯამური ქულებით, ევროპის საგაისო ჩემპიონატში ისევ 2 მონაწილის კვოტა „დავიბევეთ“.

„ყველას ჩვენი ბრძოლა გვაქვს მოსაგები. ჩვენ ეს ბრძოლა

- მას გაუჩნდა დანაშაულის შეგრძნება, ფიქრობს, რომ „რაღაც ცუდი მოხდება“, დარდობს, რომ არავის უყვარს ან საკუთარი თავისადმი სიძულვილს განიცდის;
- ბავშვს შეამჩნიეთ აგრესია, ისტერიკა, ფორიაქი მშობლებთან განმორებისას (ყველაზე ხშირად დედასთან);
- ბავშვმა სწავლა შეწყვიტა.

მაშ ასე, დეპრესიით დაავადებული ბავშვები ხასიათდებიან ენერჯისა და მოტივაციის ნაკლებობით, უჭირთ ყურადღების კონცენტრაცია, სულ უკან დახევს სურთ და ვერ იღებენ სიამოვნებას ყოველდღიური საქმიანობიდან, რაც, როგორც წესი, სასიამოვნო და სახალისოა. სკოლაში თავის წარმოჩენა არ შეუძლიათ და დაბალი აკადემიური მოსწრება აქვთ. ხშირად არიან გაღიზიანებულები, პირქუშები და ხან აგრესიულიებიც. იმ ასაკში, როცა უკვე მეტყველების უნარი სრულად არის ჩამოყალიბებული, საკუთარ თავს მოიხსენიებენ, როგორც მახინჯს, სულელს, უღირსს, უსიყვარულოს. მათი გონება ნაადრევად არის დაკავებული სიკვდილზე ფიქრით და არსებობს სუიციდის მცდელობის ალბათობაც, თვითდაზიანებისა და ტყვიის მიყენებისკენ მიმართული ქცევა შესაძლოა მცირე ასაკის ბავშვებსაც ჰქონდეთ იმის მიუხედავად, რომ მათი გაგება სიკვდილისა განსხვავდება ზრდასრული ადამიანის განცდისაგან, ამ თემასთან დაკავშირებით. დადგენილია, რომ სიყმანვილის ასაკში გოგონებში ორჯერ უფრო ხშირად აღინიშნება დეპრესია, ვიდრე ბიჭებში, მაგრამ 12 წლამდე პერიოდში ორივე სქესს ერთნაირი მაჩვენებელი აქვთ. უგუნებობა და სევდიანი განწყობა ყველა მოზარდის ცხოვრებაში ჩვეულებრივი მოვლენაა, მაგრამ, თუ ეს მდგომარეობა დიდხანს გრძელდება, თინეიჯერი სიცარიელეს გრძობს და ამქვეყნად ყველაზე ძვირფასის – ცხოვრების სურვილი უქრება, რაც სერიოზული პრობლემაა. ხშირად მშობლებს დრო არ აქვთ ან უბრალოდ ვერ აცნობიერებენ პრობლემის არსს და შვილის ასეთ მდგომარეობას სერიოზულად არ უყურებენ. თუმცა, პრობლემა მწვავეა და შეუძლია თქვენი შვილის მომავალი მთლიანად შეცვალოს. თუ ბავშვი ავლენს ზემოთ ჩამოთვლლ ნიშნებს, ეს იმას არ ნიშნავს, რომ დეპრესიასთან გვაქვს საქმე, მაგრამ იმ შემთხვევაში, თუ ეს სიმპტომები მძაფრ ხასიათს ატარებს და თვეების განმავლობაში გრძელდება, აუცილებლად უნდა მივმართოთ სპეციალისტს. დაბოლოს, გახსოვდეთ, ბავშური დეპრესიის პროფილაქტიკაში მთავარი სიყვარულია.

ირამლო ლანჩავა

ქუთაისის აკაკი წერეთლის სახელობის სახელმწიფო უნივერსიტეტის ფსიქოლოგია-ფილოსოფიის დეპარტამენტის მონვეული სპეციალისტი

გამოყენებული ლიტერატურა:

1. ლილი ნეჩუაშვილი – „დიდი დეპრესიული აშლილობა“. ლექსიკონი-ცნობარი სოციალურ მეცნიერებებში <http://dictionary.css.ge/content/major-depressive-disorder>;

2. გერევი რ. და ზიმბარდო ფ. (2009). ფსიქოლოგია და ცხოვრება, თბილისი, თსუ.

3. Barlow D., H., and Durand V. M. (2014). *Abnormal Psychology: An Integrative Approach*, 7th ed. Cengage Learning;

4. ადრეული ასაკის ბავშვის ზრდისა და განვითარების მონიტორინგი და მშობლის კონსულტირება. ავტორები: მედიცინის დოქტორი ეკა კანდელაკი, მედიცინის დოქტორი ნანი ყაყვავილი, მედიცინის დოქტორი მაია ზერბუღიძე https://www.unicef.org/georgia/media/2391/file/zrdisa_da_ganvitarebis_monitoring.pdf;

6. პროგრამა – მშვიდობით, დეპრესიაზე! ნევროზი! აღიგინე სასიცოცხლო ენერჯია. <http://inga-bless.tilda.ws/nevrozi-depressia>;

7. დეპრესია მოზარდებში (ქართულ-ამერიკული კლინიკა) <http://medicalhouse.ge/blog/depressia-mozardebshi>.

ყინულის მოედანზე მოგებული ბრძოლა

საბედნიეროდ, ბოლო პერიოდში, უკვე რამდენჯერმე მოგვინია იმის აღნიშვნა, რომ საქართველოში სპორტის ზამთრის სახეობები აღმავლობას განიცდის და ჩვენები, ასაკობრივ დონეზე, უკვე მარაქაში გარეგასაც ახერხებენ. თანაც, „უძრავობის“ შემდეგ, ამ მიმართულებით, გარღვევა თითქმის ყველა სახეობაში შეიმჩნევა – სათხილამურო სახეობებშიც და საციგურაოშიც. ჯერჯერობით, განვითარების ტემპებით, ჰოკეი და სათამაშო სახეობები შედარებით ჩამორჩებიან, თუმცა, ვინ იცის, ახლო მომავალში რა იქნება...

ამასობაში კი, ქართველმა ფიგურულად მოციგურავეებმა მორიგი ისტორიული წარმატება მოიპოვეს. იანერის ბოლოს, ავსტრიის ქალაქ გრაცში, ჩატარდა 113-ე ჩემპიონატი სპორტის ამ სახეობაში, რომელშიც ევროპის 32 ქვეყნის 164 სპორტსმენი მონაწილეობდა. მათ შორის 5 ქართველიც იყო 3 დისციპლინაში: ქალთა და ვაჟთა ერთთულთა პირველობაში მორის ყვითელაშვილი, ირაკლი მისიურაძე და ალინა ურუშაძე გამოდიოდნენ, ხოლო სპორტულ ცეკვებში – მარია კახაკოვა და გიორგი რევია. ამათგან ყველაზე უკეთ მორის ყვითელაშვილმა იასპარეზა, ორი ბრინჯაოთი დაასრულა გამოსვლა. პირველი იყო თავისუფალ პროგრამაში მოპოვებული მეორე ბრინჯაო, რამაც საბოლოო ჩათვლაშიც ამავე სინჯის მედლი მოუტანა. ეს ევროპის ჩემპიონატზე ვაჟებში მოპოვებული პირველი მედალი, ქალებში კი უკვე გვაქვს ანალოგიური სინჯის მედალი – 2012 წელს ელენე გედევანიშვილი კონტინენტის მესამე პრიზიორი გახდა.

ირაკლი მისიურაძე

**გამომცემლობა „ახალი განათლება“
ბთავაზოტ**



5 ლარი




12 ლარი



10 ლარი



9 ლარი



4 ლარი

თანაზ ვაჰაბი
ბათუმელი ბიოგრაფიული
პროზა ლიტერატურის
შემსწავლელთათვის



**ბაქარ სულაჰაჰის გამომცემლობა
ნაფვილი და მოგონილი აზვები**

სერია შუბნილია I-VI კლასების მოსწავლევებისათვის,
„კითხვის საათის“ სავტინიკის გათვალისწინებით.



სერიის ფასი – 32.40ლ

**„ინტელექტი“
და „არტანუჯი“
ბთავაზოტ**

ნიგნი დანერილია აზიტურიანთებისა
და მასწავლევლებისათვის.
მასალა დალაგებულია პროგრამის
მიხედვით და გადმოცემულია
გეომეტრიის, ანალიზის,
ალგებრისა და სტატისტიკის
საკითხები.



19 ლარი



19 ლარი

გავიგეოროთ მათემატიკა (I-II ნაწილი)



ნიგნი I
V-XVII სს
მწერლობა
ნიგნი II
XIX საუკუნის
მწერლობა
ნიგნი II
XIX საუკუნის
მწერლობა

**ტესტები ქართულ
ლიტერატურაში
ეროვნული
გამოცდისათვის**


თითო ტომის ფასი – 13 ლარი

**პროფესიული უნარები
თორიული მასალა**



15 ლარი

**პროფესიული უნარები
ტესტები**



15 ლარი

**ტესტის გააზრება
ანალიტიკური წერა**



15 ლარი

**მასწავლელის
ბიბლიოთეკა**



8 ლარი

**იროვანი
გაკვეთილები
დაწყებით კლასებში**



6.50 ლარი

**ქართული (I-VI კლ.)
მასწავლელთა
გამოცდებისათვის**



11 ლარი

**სწოვარი
დაწყებითი
კლასებისათვის**



14 ლარი

პროფესიული უნარები
300 შენიშვნული
კითხვა-პასუხებით
კითხვა-პასუხის კონცეფ-
ტიაზე აგებული გზამკე-
ლევი დაეხმარება სტუ-
დენტებს, დაწყებ მასწავ-
ლებლებს, პრაქტიკოს მას-
წავლებლებს, განსაკუთ-
რებით გამოცდაზე გამს-
ვლელ მასწავლებლებს მას-
წავლელის გამომცემლობაში.

**ინტერაქტიური
მეთოდების კრებული**



7 ლარი

**კათედრის გაგების
პორტფოლიო**



6 ლარი



კრებული სრულად
ფარავს პროგრამას
I-IV კლასების
კომპინირებული
გამოცდისათვის.
მასში 1000-მდე ტეს-
ტური
დავლებაა
ასუსებით და
მეთოდური
რეკომენდაციებით.
15 ლარი

ხელმოწერის თანხა გადმოირისხეთ რეკვიზიტებზე:

მიმღები – შპს „ახალი განათლება“, ს/კ 202058735,
ა/ა GE93LB0113314052305000, ს/ს „ლიბერთი პანკი“,
ბ/კ LBRTGE22

შეკენის მსურველები დაგვიკავშირდით:

555 411 668, 599 88 00 73, 032 295 80 23

